

四庫全書

子部



# 欽定四庫全書

子部

御定淵鑑類函卷二百十六  
七

詳校官內閣學士臣尹壯圖

主事臣祁韻士覆勘

總校官檢討臣何思鈞

校對官中書臣陸 湘

謄錄監生臣湯師錫



欽定四庫全書

御定淵鑑類函卷二百十六

武功部十一

戍卒

烽候

斥候

軍糧

軍期

宗族從軍

召募

戍卒一

增詩序曰采薇遣戍役也文王之時西有昆夷之患北有獫狁之難以天子之命命將帥遣戍役以守衛中國故歌采薇以遣之出車以勞還杖杜以勸歸也

戍卒二



增後漢書光武紀曰十五年徙雁門代郡上谷三郡民  
置常山關居庸關以東 通鑑曰齊天保三年自黃櫨  
嶺起長城北至社平戍四百餘里置三十六戍 唐書  
哥舒翰傳曰翰築神威軍青海上更築龍駒島號應龍  
城翰相其川原宜畜牧謫罪人二千戍之由是吐蕃不  
敢近青海 又盧鈞傳曰鈞拜節度使領昭義軍俄而  
興士五千戍代北鈞坐城門勞遣攜家人以觀戍卒驕  
顧家屬不欲去酒酣反攻城迫大將李文矩為帥鈞倉



卒奔潞城文矩投地僵卧稍諭叛者衆乃悔服即相與  
謝鈞迎還府斬首惡乃定詔趣戍者行密使盡戮之時  
戍人已去潞一舍鈞選牙卒五百壯騎百以騎載兵夜  
趨遲明至太平驛盡斬之 通鑑唐紀曰初朔方軍與

突厥以河為境河北有拂雲祠突厥將入寇必先詣祠  
祈禱牧馬料兵而後渡河時默啜悉衆西擊突騎施張  
仁愿請乘虛奪取漠南地於河北築三受降城首尾相  
應以絕其南寇之路從之仁愿表留歲滿鎮兵以助其



工咸陽兵二百餘人逃歸仁愿悉擒之斬於城下軍中  
股慄六旬而成 通鑑宋紀曰宋太祖懲唐以來藩鎮  
之弊分遣禁旅戍守邊城立更戍法使往來道路以習  
勤勞均勞佚自是將不得專其兵而士卒不至於驕惰  
又曰宋孝宗淳熙九年命兩淮戍兵歲一更 遼史  
曰遼以勁兵守居庸及金兵臨關崖石自崩戍卒多壓  
死不戰而潰 兵畧纂聞曰洪武時命信國公湯和行  
視山東登萊淮揚吳越閩嶺濱海要害築城凡數十戶



取一丁為兵戍之

戍卒三

原蔡丘

樂宅

史記齊襄公使連稱管至父戍葵丘盛弘之荊州記云襄陽范蠡縣南七十

里有晉樂彥輔宅周回十餘畝名為戍宅

戍申

戍許

詩云揚之水不流東薪彼其之子不

與我戍申毛傳曰戍守也申姜姓之國平王之舅又曰不與我戍甫又不與我戍許孔疏曰平王母家申國

所戍唯應戍申不戍甫許也言甫許者以其同出四岳俱為姜姓既重章以變文因借甫許以言申其實不戍

甫許

及瓜

采薇

傳齊侯使連稱管至父戍葵丘瓜時而往及瓜而代詩序采薇遣

戍役也

增殺卒

精卒

陸士衡辨亡論曰告類上帝拱揖羣后虎臣殺卒循江而守



賈誼過秦論曰信臣精卒陳利兵而誰何

隘丁寨兵

通鑑元紀曰元成宗元貞元年春正

月以劉國傑為湖廣平章政事辰澧地接溪峒宋嘗選民立屯免其繇役使禦諸蠻在澧曰隘丁在辰曰寨兵

宋亡皆廢國傑悉復其制

原發問左

戍隴西

史記秦發問左戍卒居問左後盡發

之漢書妻敬戍隴西脫輓輅一人推

女乘障

卒治河

王褒引武帝時女子乘亭障成帝詔卒治河者著外徭六月著謂著於簿籍律戍邊一歲書罷若有急當留

六月以卒治河之勞雖役月近得同外徭六月

增徙塞下

戍關東

漢文帝時鼂錯

上言守邊備塞勸農力本當世急務二事上從其言募民徙塞下通鑑唐紀曰德宗發京西防秋兵萬二千

人戍關東時吐蕃通和西北防秋之兵以戍關東兵拒命關東騷然故抽京西防秋之兵以戍關東



罷屯兵

歸本土

漢宣帝地節三年詔罷車騎將軍右將軍屯兵後漢書光武二十六年

南單于遣子入侍於是雲中五原朔方北地定襄雁門上谷代八郡民歸於本土發遣邊民在中國者布還諸

縣皆賜以裝錢

問家室

贖田產

唐書李勉傳曰勉遣戍兵常視其資

糧春秋存問家室故能得人死力通鑑元紀曰元成宗時樞密院齊諾言蒙古軍在山東河南者戍甘肅動

涉萬里每行必鬻田產甚或賣妻子戍者未歸代者當發困苦日甚今邊陲無事而虛殫兵力誠為非計乞以

近甘肅之兵戍之而山東河南前戍者令有司為贖其田產妻子從之

原南陵簿衛

高安積米

曹毘江賦云爾乃南陵峻戍岑巖高閑簿衛四固不勞永全所謂天險難升地險岳立

桓溫表云高安戍是孫權每征還遣上方諸軍餉賜處也權又常大積米谷於此以備須濡者也

戍



勤五年 更有三品

天子曰勤戍五年予一人無日忘之有卒更有踐更有過更古者

正卒無常人皆迭為之一月一更是為卒更貧者欲顧更錢者出次直顧者用二千為踐更天下人皆直戍邊

三日律謂繇戍雖丞相子亦在調不可自行各出錢三百入官以給戍為過更漢初因秦後改有謫乃戍邊

增願充一卒 不成一卒

唐書李邕傳曰邕貶遵化尉妻溫復為邕請戍邊自

贖曰願使邕得充一卒効力王事膏塗朔邊骨糞沙壤成邕夙心表入不省通鑑唐紀曰王建鎮西川邛峽

之南不置鄣候不成一卒蠻亦不敢侵盜

不習山川

居常凍餒

唐書突厥傳序

曰歲發戍卒不習山川之險緩步一舍已呵然流汗唐陸贄奏議曰被邊長鎮之兵衣廩止於當身又為家

室所分居常凍餒



# 戍卒四

增更卒

漢食貨志曰董仲舒說武帝曰荒淫越制踰侈以相高邑有人君之尊里有公侯之富小民焉

得不困

又加月為更卒已復為正一歲屯戍一歲立後

三十倍

於古注更卒謂給郡縣一月而更者也正卒謂

給中都

官者也率計今人一歲之中

屯戍及

力役之事三十倍多於古也

守捉

唐書兵志曰唐初兵

之戍邊者大曰

列屯北邊

又曰郭子儀傳曰大歷九

軍小曰守捉

語吐蕃方強慷慨

至流涕退上書曰臣惟陛下制勝力

非不足但簡練不至進退未一時淹師老地廣勢分願

於諸道料精卒滿五萬者

為天子戍隴

又曰劉潼傳

列屯北邊則制勝可必

刺史請以所部為天子戍隴發其兵千五百

馳歸京師無一卒敢違令者德宗甚寵之



戍卒五

增詩魏王粲從軍詩曰汎舟蓋長川陳卒被原隰 宋  
謝靈運擬魏太子鄴中集應制詩曰官渡厠一卒長林  
預難阻 唐杜甫兵車行曰或從十五北防河便至四  
十西營田去時里正與農頭歸來頭白還戍邊

漢班固西都賦曰列卒周匝星羅雲布 晉左思  
吳都賦曰雕題之士鏤身之卒 又魏都賦曰薄戍綿  
幕無異蛛蝥之網弱卒鎖甲何異螳螂之衛



增詔漢書宣帝地節三年詔曰朕既不德不能附遠是以邊境屯戍未息今復飭兵重屯久勞百姓非所以綏天下也其罷車騎將軍右將軍屯兵

增論漢賈誼過秦論曰率罷散之卒將數百之衆轉而攻秦斬木為兵揭竿為旗

增奏議漢書鼂錯傳曰錯上言守邊備塞勸農力本當世急務二事曰臣聞秦時北攻胡貊築塞河上南攻揚粵置戍卒焉其起兵而攻胡粵者非衛邊地而救民死



也貪戾而欲廣大也故功未立而天下亂且夫起兵不知其勢戰則為人禽屯則卒積死夫胡貊之地積陰之處也木皮三寸冰厚六尺食肉而飲酪其人密理鳥獸毳毛其性能寒揚粵之地少陰多陽其人疏理鳥獸稀毛其性能暑秦之戍卒不能其水土戍者死於邊輸者償於道秦民見行如往棄市因以謫發之名曰謫戍先發吏有謫及贅壻賈人後以嘗有市籍者又後以大父母父母嘗有市籍者後入閭取其左發之不順行者深



怨有背叛之心凡民守戰至死而不降北者以計為之也故戰勝守固則有拜爵之賞攻城屠邑則得其財鹵以富家室故能使其衆蒙矢石赴湯火視死如歸今秦之發卒也有萬死之害而無銖兩之報死事之後不得一筭之復天下明知禍烈及已也陳勝行戍至於大澤為天下先倡天下從之如流水者秦以威劫而行之之敝也又曰陛下幸憂邊境遣將吏發卒以治塞甚大惠也然令遠方之卒守塞一歲而更不如選常居者家室



田作且以備之以便為之高城深塹具藺石布渠荅復  
為一城其內城間百五十步要害之處通川之道調立  
城邑毋下千家為中周虎落先為室屋具田器廼募罪  
人及免徒復作令居之上從其言募民徙塞下 北史

源賀傳賀上言曰今勅寇遊魂於北狡賊負險於南其  
在疆場猶須防戍臣愚以為自非大逆赤手殺人之罪  
其坐贓盜及過誤應入死者皆可原宥謫使守邊是則  
已斷之體更受生成之恩徭役之家漸蒙休息之惠



唐書陸贄傳曰贄為翰林學士李希烈寇襄城詔問策  
安出贄上言曰代朔邠靈自昔之精騎上黨盟津今之  
選師舉而委之山東將多而勢分兵廣而財屈則屯戍  
失於太繁也又曰今朔方太原衆已屯山東而神策六  
軍悉戍關外將不能盡敵則請濟師陛下為之輟邊軍  
缺環衛竭內廩之馬武庫之兵占將家子以益師賦私  
畜以增騎又告乏財則為算室廬貸商人設諸權之科  
日日以甚萬一有如朱滔李希烈負固邊壘竊發都甸



者何以備之 又上陳防秋之弊曰今遠調屯士以戍  
邊陲邀所不能強所不欲廣其數不考於用責其力不  
察其情斯可為羽衛之儀而無益備禦之實也何者窮  
邊之地千里蕭條寒風裂膚豺狼為鄰晝則荷戈以耕  
夜則倚烽以覘有剽害之慮無休暇之娛非生其域習  
其風幼而視焉長而安焉則不能寧居而狎其敵也關  
東百物阜殷士怵溫飽比諸邊隅不啻天地間絕塞荒  
陬則辛酸動容矜彊蕃勁虜則懾駭褫精又使去親族



舍園廬甘所辛酸抗所懾駭將冀為用不亦疏乎又有  
休代之期無統制之善資奉姑息譬如驕子進不邀以  
成功退不處以嚴憲屈指計歸張頤待飼師一挫傷則  
乘其危撓布路東潰平居殫資儲以奉浮冗臨難棄城  
鎮以搖彊場其弊豈特無益哉 又曰被邊長鎮之兵  
皆百戰傷夷角所能則習度所處則危考服役則勞察  
臨敵則勇然衣廩止於當身又為家室所分居常凍餒  
而關東戍士歲月更代怯於應敵懈於服勞然衣廩優



厚繼以茶藥資以蔬醬豐寡相懸勢則遠甚又有以邊軍詭為奏請遙隸神策者廩賜之饒有三倍之益此士類所以忿恨經費所以徧匱夫事業未異給養頓殊人情所不甘也不為戎首已可嘉者況使協力同心以攘寇難臣知有所不能焉 又曰臣謂宜罷四方之防秋者以其數析而三之其一責本道節度募壯士願屯邊者徙焉其一則第以本道衣廩責關內河東募用蕃夏子弟願傳軍者給焉其一以所輸資糧給應募者以安



其業詔度支市牛召工就諸屯繕完器具至者家給牛一耕耨水火之器畢具一歲給二口糧賜種子勸之播蒔須一年則使自給有餘粟者縣官倍價以售既息調發之煩復無幸免之弊出則人自為戰處則家自為耕與夫暫屯遽罷豈同日語哉

烽候一

增說文曰烽燧候表也邊有警則舉火也唐書百官志曰職方掌地圖城隍鎮戍烽候防人道路之遠近及



四夷歸化之事

通鑑注引唐六典曰烽候所置大率

相去三十里若有山岡隔絕須逐便安置得相望見不  
必要限三十里其逼邊境者築城而置之每烽置帥副  
各一人其放烽有一炬兩炬三炬四炬隨賊多少為差  
烽候二

增後漢書郭伋傳曰伋為并州牧知盧芳夙賊難卒以  
力制常嚴烽候明購賞以結寇心 後漢書馬成傳曰

成代驃騎大將軍杜茂繕治障塞自西河至渭橋河上



至安邑太原至井陘中山至鄴皆築堡壁起烽燧十里  
一候 後漢書杜茂傳曰十二年遣謁者段忠將衆郡  
弛刑配茂鎮守北邊因發邊卒築亭候修烽燧 通鑑  
注引太宗實錄曰初羅士信取千金堡太宗令屈突通  
守之王世充自來攻堡通懼舉烽請救太宗度通力堪  
自守且緩救以驕世充通舉三烽以告急太宗方出援  
之 通鑑唐紀曰劉悟襲斬李師道悟之自陽穀還兵  
趨鄆也潛使人以其謀告田弘正事成當舉烽相白萬



一城中有備不能入願公引兵為助成功之日皆歸於公悟何敢有之且使弘正進據已營弘正見烽知得城遣使往賀唐書畢誠傳曰誠遷河東節度復修杞頭七十烽寇不敢入又長平王叔良傳曰叔良鎮涇州捍薛仁果仁果陽言食盡遣高墪人詭降叔良遣驃騎劉感受之未至城三烽發仁果兵自南原譟而還大戰百里細川感為賊執又張仁愿傳曰仁愿於牛頭朝那山北置烽候千三百所自是突厥不敢踰山牧馬



# 烽候三

增烽師

烽子

後周書曰宇文貴性聰敏白獸烽經為商人所燒烽師納貨不言其罪他日北

師隨例來參貴乃問曰商人烽何因私放烽師愕然遂自首伏明察如此

通鑑注曰唐凡烽候之所有烽師

烽副烽子蓋守烽之卒候望警急而舉烽者也杜佑曰一烽六人五人為烽子遞知更刻觀視動靜

人烽率

知文書符

烽臺

烽區

衛公兵法曰烽臺於高山四顧險絕處置之無山亦於孤

迴道平地置下染羊馬城高下任便常以三五為准臺高五丈下闊一大

唐書王峻傳曰峻上言突厥比者

不受要約兵已屢動擅作烽區閉障行李

警急

平安

杜甫詩曰警急烽常報六典曰每

日初夜放煙一炬謂之平安火

原崔實嚴

种暘去

後漢書崔實字子真為五原守



嚴烽候虜不敢犯後漢書種暉為渡遼將軍先宣恩信羌來降服乃去烽火候望也

乘山舉

聞烽馳

魏志孫權攻江夏太祖遣持書御史荀禹勞

蜀丈曰邊郡之士聞烽舉燧燔皆攝弓而馳荷兵而走唯恐居後

增畫燔燧

夜舉

烽漢書音義曰高臺上作桔槔頭置兜零以薪草置其中常懸之有寇至火然舉之曰烽下多積薪寇至則

燔之望其煙曰燧晝

築烽堡

遠烽偵

唐書張獻甫傳曰獻甫為

則燔燧夜乃舉烽

邠寧節度使斷山後塹選巖要地築烽堡又曰李元諒傳曰元諒節度隴右築連弩臺遠烽偵為守備

動沙漠

列郊甸

李白塞下曲曰烽火動沙漠連照甘泉雲唐書食貨志曰帝歎曰河湟

陷沒烽候列於郊甸

原通於甘泉

滅於幽障

長安匈奴大入烽火通於甘泉



後漢祭彤撫夷狄以恩信論曰政移狄俗乃卧鼓於邊庭滅烽於幽障也

舉非寇至

笑乃戎來

史魏公子無忌與魏王方博舉烽言趙冠至王懼釋博公子曰趙王獵爾非為寇也史

幽王與諸侯約有急則舉烽既而諸侯兵至無寇褒姒乃大笑後犬戎來伐幽王舉烽諸侯以為偽皆不至遂

滅周斬褒姒

增四烽俱發

六烽具舉

隋書長孫晟傳曰突厥染干為雍閭

所敗與晟獨以五騎逼夜南走至旦行百餘里收得數百騎晟知其懷二心乃密遣從者入伏遠鎮令其舉烽

染干見四烽俱發問晟曰城上然烽何也晟給之曰城高地迴必遙見賊來我國家法若賊少舉二烽來多舉

三烽大逼舉四烽使見賊多而又近耳染干大懼宋史韓世忠傳曰世忠進兵圍淮陽賊約受圍一日則舉

一烽至六烽具舉烏珠與劉猷皆引兵至

請停烽燧

不置烽燧

唐書曰元和中



京兆尹李鄘奏三原高陵涇陽興平等四縣共管烽二十八所每年差烽子烽師九百七十五人今遠近無虞畿內烽燧請停從之通鑑唐紀曰王式既平表甫諸將請曰不置烽燧何也式曰烽燧所以趣救兵也兵盡行城中無兵以繼之徒

驚士民使自潰亂耳

誤舉罰金

不舉棄市

晉令曰誤

舉烽燧罰金一斤八兩故不舉者棄市

乘塞守烽

斥地置烽

太平御覽曰蔡

邕從朔方上書云既到徙所乘塞守烽職在候望憂怖焦灼無心復能操筆成草致章闕廷

唐書黑齒常之

傳曰常之拜河源道經畧大使因建言河源當賊衝乃斥地置烽七十所

邏堞傳烽

邊

火息燧

又劉文靜傳曰文靜與晉陽宮監裴寂善寂夜見邏堞傳烽詭曰天下方亂吾將安舍

又鄭

元璠傳曰突厥攻太原詔元璠持節往勞隨語折讓無所屈徐乃數其背約突厥愧服因好謂諷利諷利當其



言引還太宗賜書曰知公口伐可汗如約  
遂使遘火息燧朕何惜金石賜於公哉

### 烽候四

增一夕萬里

太平御覽引庾闡揚都賦注曰烽火以置  
於孤山頭緣江相望或百里或五十里或

三十里寇至則舉以相告一夕可行萬里  
孫權時合暮舉烽於西陵鼓三竟達吳都

軍之耳目

蔡謨與弟書曰軍之耳目當用烘  
鼓烘可遙見鼓可遙聞須臾百里

列炬若烽

唐書黑  
齒常之

傳曰垂拱中突厥復犯塞常之率兵追擊至兩井常之  
忽與賊遇賊騎三千方擐甲常之見其器以二百騎突

之賊皆棄甲去其暮賊大至常之潛使人伐木  
列炬營中若烽燧然會風起賊疑救至遂夜遁

桔槔

烽丹鉛錄曰桔槔烽火也黑子作  
頡臯唐詩桔槔烽上暮煙飛

停近甸烽

孔帖曰  
舊闕內



京畿河東河北皆置烽開元二十五年敕以邊隅無事  
寰宇又安內地置烽誠為非要量停近甸烽二百六十  
所烽師等一千  
三百八十八人  
舍置一烽唐書高麗傳曰初帝自太  
下遼東舉烽是  
日傳燎入塞  
有急傳光太平御覽引吳時緣江戍  
曹一人皆作烽火  
有急以光傳之

烽候五

增詩杜甫夕烽詩曰夕烽來不近每日報平安塞上傳  
光小雲邊落點殘照秦通警急過隴自艱難聞道蓬萊  
殿千門立馬看 又送從弟詩曰西極最瘡痍連山暗



烽燧

斥候一

增衛公兵法曰諸軍營隊伍每夜分更令人巡探人不  
得高聲喝號行者敲弓一下坐者扣鞘三下方擲軍號  
以相應又曰諸軍下定每營夜別置外探每營折衝  
果毅相知作次每夜別四人各領五騎馬於營四面去  
營十里外遊奕以備非常如有警急奔馳報軍

斥候二



增唐書渾鎬傳曰鎬討王承宗鎮定二軍間不百里鎬引兵壓鎮境而屯距賊三十里鼓角聲相聞賊始亦畏見鎬無斥候乃潛師入定境焚廬蓄屠鄉聚鎬軍遂搖又襄行儉傳曰行儉縱反間說伏念令與溫傳相貳伏念懼密送款後數日煙塵漲天而南斥候惶駭行儉曰此伏念執溫傳來降非他也既而果然

斥候三

增舉幡

展旗

諸葛亮兵要曰軍已近敵羅落常平明以先發絕軍前十里內各案左右下道



亦十里之內數里之外五人為部人持一白幡登高外  
向明隱蔽之處軍至轉尋高而前第一見賊轉語後第  
三第二詣主者白之凡候見賊百人以下但舉幡指百  
人以便舉幡大呼主者遣疾馬往視察之衛公兵法  
曰諸兵馬既逼賊廩探候事須明深其乘馬人每令遙  
相見常接高行各只一方面異旗無賊此旗常卷見賊  
即速展軍營見

旗展即知賊至

聽子

探兵

衛公兵法曰諸營下定  
事須防禦於營外二十

步列隊仗如臨陣對寇法晝夜嚴謹縱逢雨雪并押隊  
官並不得離隊每營法五匹馬并鞍轡放飼防有緊急  
即令馳告至夜每陣前百步外著聽子二人一更一替  
以聽不虞仍令探更人探聽子細勿令眠睡其晝日諸  
軍前各亦逐高要處安置斥候以視

木樵

地聽

漢書

趙充國傳充國奏屯田疏曰部曲相保為塹壘木樵  
海錄碎事曰凡備敵令人枕空胡祿卧有人馬行三十



里外東西南北皆響見  
於胡祿中名曰地聽

原敘聚橐

納斥候

周禮懸壺以敘

聚橐 納者

增游奕船

攔子馬

贊皇一品集請淮南五路置游奕船

示不相備

揀解弓弩及諳江路者一百人置游奕將一人須清白  
強幹稍有見會者先如法造游奕戰船五十隻一百人

分為兩番長須在江路來往 遼史兵志曰遼制行  
軍有遠探攔子馬各十數人在先鋒前後二十餘里

略不眠寢

具知情狀

周書韓果傳曰果性強記兼有權略所行之處山川形勢輒能

記憶兼善伺敵虛實揣知情狀有潛匿溪谷欲為間偵  
者果登高望之所疑處往必有獲太祖由是以果為虞

候都督每從征行嘗領騎晝夜巡察略不眠寢 周  
書達奚武傳曰齊神武趣沙苑太祖遣武追之武從三

騎皆衣敵人衣服至日暮去營百步下馬潛聽得其軍  
號因上馬歷營若警夜者不如法者往往捷之具知敵



之情狀以告太祖太  
祖深嘉焉遂從破之

持一白幡

授五色旗

見前舉

宋史曹翰傳曰詔督役開河南自雄達鄭以通漕運議  
築大隄以捍之翰遣騎五授五色旗為斥候前遇丘陵

水澤寇賊煙火則  
各舉其旗以為應

望塵知敵

捉生問事

五代史周  
德威傳曰

德威勇而多智能望塵以知敵數通鑑注引杜佑曰  
游奕於軍中選驍勇諳山川泉井者充日夕邏候於亭

障之外捉  
生問事

不為斥候

竟無斥候

唐書李愬傳曰憲  
宗討吳元濟高霞

寓既敗表滋代將復無功愬求自試乃以愬為隋唐鄧  
節度使愬以其軍初傷夷士氣未完乃不為斥候部伍

或有言者愬曰賊方安表公之寬吾不欲使震而備我  
曲江集勅天山渾使竟無斥候來不預知如此防邊

疎闊  
無乃



斥候四

增慮無

左傳前茅慮無中權後勁詳見陣二註

未嘗遇害

漢書李廣傳廣行無部曲

行陣就善水草頓舍不擊刁斗自衛幕府省文書然亦遠斥候未嘗遇害

有警軍陣立成

後漢書耿秉休止不結營部然遠斥候明要誓有警軍陣立成

邊鄙之視聽

柳宗元先御史

神道碑曰斥候者邊鄙之視聽不可以不具

闢斥候迭望幾二千所

唐文粹呂

溫三受降城碑

珠連壁貫

兵略纂間曰王忠肅公勦督撫遼東至即出巡邊起山海抵開原繕

濬墉溝五里為堡十里為屯烽燧斥候珠連壁貫千里相望

斥候五



增詩杜甫詩曰會取干戈利無令斥候驕

軍糧一

增太公武韜曰通糧四人主度飲食備蓄積通糧道致  
五穀命三軍不困乏 孫子作戰篇曰善用兵者從不  
再籍糧不三載取用於國因糧於敵故軍食可足 又  
曰智將務食於敵食敵一鍾當吾二十鍾芑杆一石當  
吾二十石 又軍爭篇曰軍無輜重則亡無糧食則亡  
無委積則亡



## 軍糧二

增後漢書寇恂傳曰光武新即位時軍食急乏寇恂以

輦車驪駕轉輸前後不絕

注驪駕併駕也

尚書升斗以稟百官

帝數策勞問

東觀漢記曰來歙征公孫述詔於汧積

穀六萬斛驢四百頭負馱

吳志諸葛恪傳曰恪少有

才名權甚異之欲試以事令守節度節度掌軍糧穀文

書繁猥非其好也

注江表傳曰權為吳王初置節度官使典掌軍糧非漢制也初用侍中偏

將軍徐詳詳死將用恪諸葛亮聞恪代詳書與陸遜曰家兄年老而恪性疎今使典主糧穀糧軍之要最僕



雖在遠竊用不安足下特為啟至  
尊轉之遜以白權即轉恪領兵

陳書武帝紀曰齊

兵潛至鍾山龍尾高祖遣錢明領水軍出江乘要擊齊  
人糧運盡獲其船米於是齊軍大餒殺馬驢而食之

周書賀若敦傳曰陳將侯瑱侯安都等圍逼湘州遏絕  
糧援乃令敦渡江赴救敦連戰破瑱乘勝遂次襄州俄  
而秋水汎濫江路遂斷糧援既絕恐瑱等知其糧少乃  
於營內多為土聚覆之以米集諸營軍士人各持囊遣  
官司部分若欲給糧者因召側近村人陽有所訪問令



於營外遙見隨即遣之瑱等聞之良以為實 唐書李

密傳曰初王世充乏食李密少帛請交相易邴元真好  
利勸密許焉後世充士飽降者益少密悔而止 又婁

師德傳曰天授初為左金吾將軍檢校豐州都督衣皮  
袴率士屯田積穀數百萬兵以饒給無轉饟和糴之費

又張儉傳曰儉遷朔州刺史大教民營田歲收穀數  
十萬斛雖霜旱勸百姓相賑贍免饑殍州以完安 又  
蘓瓌傳曰歲旱兵當番上者不能赴瓌奏宿衛不可闕



宜月賜增半糧俾相給足則不闕番 又韓滉傳曰滉  
調發糧帛以濟朝廷者雖屬當時賴之李晟方屯渭北  
滉運米饋之船置十弩以相警捍賊不能剽始漕船臨  
江滉顧僚吏曰天子蒙塵臣下之恥也乃自舉一囊將  
佐爭佐之 又段秀實傳曰李嗣業署秀實兼懷州長  
史知州事兼留後時師老財乏秀實督餽係道募士市  
馬以助軍 又周寶傳曰寶進涇原節度使務耕力聚  
糧二十萬斛 又盧弘宣傳曰弘宣徙義武節度使初



詔賜其軍粟三十萬斛貯飛狐弘宣計輓費不能滿直  
敕吏守之明年春大旱教民隨力往取時幽魏饑甚獨  
易定自如至秋悉收所貸軍食以饒 又李德裕傳曰  
初潤州承王國清亂竇易直傾府庫賚軍資用空殫而  
下益驕德裕自檢約以留州財贍兵雖儉而均故士無  
怨再期則賦物儲物 又李芄傳曰芄授河陽三城鎮  
遏使糧質善者先以給士士悅之 又令狐彰傳曰吐  
蕃盜邊召防秋兵彰遣士三千自齎糧所過無秋毫犯



通鑑唐紀曰初樞密使楊復恭薦處士河間張濬拜

太常博士遷度支員外郎黃巢逼潼關濬避亂商山上

幸興元道中無供頓漢陰令李康以騾負糗糧數百馱

獻之從行軍士始得食上問康卿為縣令何能如是對

曰臣不及此乃張濬員外教臣上召濬詣行在拜兵部

郎中又曰諸道兵援安南者屯聚嶺南江西湖南江

西湖南餽運者皆泝湘江入零渠灘水勞費艱澁諸軍

乏食潤州人陳磻石上言請造千斛大舟自福建運米



泛海不一月至廣州從之軍食以足 又辛讜在泗州

犯圍出迎兵糧往返凡十二 宋史李植傳曰靖康初

以康王開大元帥府湖南向子諲轉運京畿時羣盜四

起餉道阨絕環視左右無足遣者有以植薦遂借補迪

功郎使督數百艘總押犒師銀百萬糧百萬石招募忠

義二萬餘衆自淮入徐趨濟凡十餘戰卒以計達時高

宗駐師鉅野聞東南一布衣統衆而至士氣十倍首加

勞問植占對詳敏高宗大悅親賜之食曰得一士如獲



拱壁豈特軍餉而已 又孝宗本紀曰南康軍旱詔出  
檢放所餘苗米萬石充軍糧 清尊錄曰建炎初關陝  
交兵京西南路安撫使司檄諸郡凡民家畜三年以上  
糧者悉送官違者以乏軍興論 八編類纂曰金主如  
蔡州時久雨朝士扈從者徒行泥水中掇青棗為糧  
通鑑元紀曰至元二十年預備征日本軍糧令高麗國  
備二十萬石 又曰至正二十一年敕漕江淮米百萬  
石泛海貯於高麗之合浦仍令東京及高麗各貯米十



萬石備征日本

典故紀聞曰明太祖起兵時所招安

郡縣將士皆徵糧於民名曰寨糧民甚病焉胡大海以

為言遂罷之

兵略纂聞曰明高帝克江州兩平洪都

援安豐討廬州下武昌李善長皆居守轉調兵餉未嘗

乏絕將吏帖服居民安堵

又曰徐參政楚守辰州時

湖貴間苗民逆命諸道兵俱集於辰議九月進兵屆六

月餉未辦督府茫然命傾府帑易之公曰大軍十萬帑

金不過萬即盡括民間粟不足飽半月事迫矣招商不



至轉運不及有南糧應輸南太倉者額數十萬積無用  
今已鱗次維舟矣制許便宜行事一檄數十萬可計日  
至也督府從之軍遂不乏

### 軍糧三

原盛 勉

晉令諸侯盛糗糧  
魏祖征漢中遣五千人運

志杜畿為河東太守  
運者相率曰勉之

人生有一死不可負我府君  
無一人逃亡得人心如此

景從

野餽

過秦論羸  
糧景從注

羸擔也言如影隨形  
齊逆女宣伯餽諸穀野饋曰餽

晉荀首如

不運

乃裹

吳志  
孫堅

字文臺討董卓至南陽太守張資不運軍糧主簿入白  
堅軍資不具羈停義兵堅偽疾資省之遂拔劍斬於軍



門詩乃

裏糶糧

軍食軍儲增運土量沙

晉書祖逖傳曰逖伐

陳留太守陳川石季龍救之徙陳川還襄國留桃豹等守川故城住西臺逖遣將韓潛等鎮東臺同一大城賊從南門出入放牧逖軍開東門相守四旬逖以布囊盛土如米狀使千餘人運上臺又令數人擔米偽為疲極而息於道賊果逐之皆棄擔而走賊既獲米謂逖士衆豐飽而胡戍饑久益懼無復膽氣石勒將劉夜堂以驢千頭運糧以餽桃豹逖遣韓潛馮鐵等追擊於汴盡獲之桃豹宵遁退據東燕城宋書檀道濟傳曰道濟都督諸軍侵魏資糧竭濟夜唱籌量沙以少米散其上及旦魏軍謂資糧有餘故不復追

掘芋

煮鴨

晉書載記曰羅尚委城遁李雄遂剋成都于時雄軍饑甚乃率衆就穀於郛掘野芋而食之三國

典略曰齊蕭軌等來寇時糧運不繼會陳禧送米三千石鴨千頭霸先即炊黍煮鴨誓申一戰計糧分肉人獲



數 **率貸** **和市** 通典曰天寶末年所在屯師用度不足於是遣御史康雲間出江淮陶銳

往蜀漢豪商富戶皆籍其家貲或五分納一謂之率貸

通鑑元紀曰至和元年帝命有司和市粟豆十六萬

五千石分給居 **原敵為資** **運為最** 魏志張既曰軍

庸等闕軍馬 **歸蔡粟** **輸晉** 無見糧以敵為

**資** 又鄭渾為京兆尹大軍入漢中

**運糧** 為最遣人由漢中無逃叛者 **歸蔡粟** **輸晉**

**粟** 歸粟於蔡以周亟矜無資 **贏三日** **上二千** 刑法志曰

汎舟之役秦輸晉粟也

魏氏武卒衣三屬之甲負弓弩於其上贏三日之糧曰

中而趨百里中選者復其戶注日中謂一日之中 **後**

漢鄧禹西征糧乏王丹

率宗族上麥二千斛 **用市租** **賦廩粟** 漢書馮唐曰李牧居

邊軍市之租皆用饗士賞賜決於外不從中覆故得盡

其智能今魏尚云云 **魏志** **魏太祖嘗賦廩粟不足私**



請主者主者曰  
以小斛足之

調兵食

助家財

漢書鼂錯傳曰上方與錯調兵食

漢書卜式請半  
家財以助邊

分熟食

進乾棗

傳闔廬在軍熟食者分而後敢食行

賈居送乏食也  
收豎豆得數千斛

魏楊沛孔渠為新鄭長課民備乾棗後太祖西迎天子將士無糧乃進乾

棗太祖  
大喜之

呼庚癸

煮鎧弩

傳吳申叔儀乞糧於魯公孫有山山曰登首山呼庚

癸兮則諾注庚西方穀癸北方水軍中不敢正言故謬  
語傳言吳王不恤士故亡也

耿恭守疏勒食盡煮鎧

弩食  
其筋

增斲木皮

食橐節

唐書張巡傳曰賊還七月復圍城初睢陽穀六萬斛

可支一歲而嗣虢王巨發其半餽濮陽濟陰許遠固爭  
不聽濟陰得糧即叛至是食盡士日賦米一勺斲木皮

鬻紙而食纔千餘人皆瘠劣不能穀又張允濟傳曰  
允濟遷高陽郡丞賊帥王須拔攻郡於是糧屈吏食槐



葉橐節  
無叛者

易乾甚

采蕪菁

五代史曰李罕之圍張全義於河陽全義乞兵於梁

太祖以牛存節故事河陽知其間道使以兵為先鋒是時歲饑兵行乏食存節以金帛就民易乾甚以食軍擊

走罕之通鑑唐紀曰朱泚攻圍奉天經月城中資糧俱竭時供御纔有糲米二斛每伺賊之休息夜縋人於

城外采蕪菁

支度使

營田使

通鑑注曰唐制凡天下邊軍者有支度使

以計軍資糧仗之用節度不兼支度者支度自為一司其兼支度者則節度使自支度凡邊防鎮守轉運不

給則開置屯田以益軍儲於是營田使

原率鍾致石

僦五致一

主父

秦使天下飛芻輓粟負海轉輸率三十鍾而致一石注引車船飛輓言疾後漢虞詡字升卿為武都奮擊羌

先是運糧艱澀驢馬負載僦五致一詡燒石翦木開漕以人僦直於是水運通利

鄧艾大積



蕭何不絕

鄧艾字士載為尚書郎大積軍糧給饟餽不絕糧道吾不如蕭何

挈畚

以令振廩同食

周禮挈畚以令糧以往振廩同食振發也同食上下無

楚莊伐庸自廬

異

流馬以運

著論以諭

蜀志諸葛亮由斜谷道作木牛流馬以運據武功五

丈原

魏志鄧艾通漕運乃著濟河論以諭正始中開廣濟渠下達江淮資糧有儲而無水害

仰食

棗椹

取給蒲羸

又表紹軍河北軍人仰食棗椹表述淮南戰士取給蒲羸

絕

甘分少

行賁居送

李陵為將與士卒絕甘分少下詳分熟食注

海陵之

倉汎舟之役

枚乘曰轉穀庾之粟不如海陵之倉下詳輸晉粟注

軍無見

糧

師不宿飽

漢書曰今歲人饑困卒食半菽軍無見糧言士卒食菜半以菽雜之又無見在



糧又曰千里餽糧士有飢色樵蘇後爨師不宿飽

峙乃糗糧

供其資糧尚書

費誓云峙乃糗糧無敢不供供其資糧屣屣草屣也

病莫能興

困而猶鬪

增賊聞皆憚

兵得無乏

後漢書第五種傳曰種拜高密侯相是時徐充二州

盜賊羣聚高密在二州之交種乃大儲糧穡勤厲吏事賊聞皆憚之唐書王播傳曰帝討淮西切於饋餉播

引程異自副異尤通萬貨盈虛使馳傳江淮哀財用以給軍興兵得無乏帝嘉其功

檄取不與

稟取不節

又曰穆寧傳曰寧佐鹽鐵轉運李光弼屯徐州餉不至檄取資糧寧不與光弼怒召

寧欲殺之或勸寧去寧曰避之失守亂自我始何所逃罪乎即往見光弼曰命寧主糧者救也今公求糧而寧專饋寧有求兵而公亦專與乎弼執其手謝曰吾固知不可聊與公議耳時重其能守官李密傳曰密素無



府庫財軍戰勝無所賜與民食興洛倉者給授無檢至負取不勝委於道踐縣狼戾密喜自謂足食司倉賈潤甫諫曰稟取不節教庾之藏有時而餽粟竭人散胡仰而成功

儲貲給軍 出粟濟

軍 唐書關播傳曰陳少游鎮浙東淮南表播為判官李靈耀叛少游屯淮上所在盜賊蝟奮播儲貲力給軍

興人無愁苦 又王行敏傳曰劉武周入并州寇上黨賊圍急儲侍空乏州民陳正謙者以信義稱鄉里出粟千石濟軍由是人自奮賊乃去

館 饑窮 軍食豐衍 又南蠻傳曰詔徙天平軍

高駢領四川節度使乃奏蠻小醜勢易制而蜀道險館饑窮要今左神策所發長武河東兵多用度繁廣且彼皆扼制羌戎不可以弛備詔乃罷長武等兵 又劉晏傳曰晏移書與宰相元載以為諸將有不廷戎虜有侵盜聞我貢輸錯入軍食

詐為糧車 獨據米囤 車戰

豐衍可以震耀夷夏



二通鑑唐紀曰楊行密入宣州諸將爭取金帛徐溫獨據米因為粥以食餓者

徙梁洋積

取壽昌糧

通鑑宋紀子羽聞有金兵預徙梁洋之積及金人深入餽餉不繼殺馬及兩河所僉

軍士以食而子羽玠復腹背要擊之死傷十五六疫厲且作乃引衆還又曰程鵬飛以鄂州降於伯顏伯顏

因檄下信陽諸郡以鵬飛為荆湖宣撫使撤守兵分隸諸將取壽昌糧四十萬斛以充軍餉

出絹

助糴運米赴約

又曰仁宗康定元年十二月癸未出內藏絹一百萬助糴軍儲八編類

纂曰元塔齊爾圍金蔡州史嵩之命孟珙帥師二萬運米三十萬石赴蒙古之約

取奇贏贍

軍

作漕艦轉糧

唐書正和公主傳曰自兵興財用耗主以貿易取奇贏千萬贍軍又韋

挺傳曰帝將討遼東擇主餉運者馬周薦挺才任租使帝即詔河北列州皆取挺節度許以便宜挺遣燕州司



馬王安德行渠作漕艫轉糧自桑乾水抵盧思臺行八  
百里渠塞不可通擬以方苦寒未可進遂下米臺側廢  
之待凍泮乃運以為解即上言度王師至食且足帝不  
悅曰兵寧拙速無工遲我明年師出擬乃度他歲運何  
哉即詔繁時令  
韋懷質馳按

積米百萬斛

請粟十萬斛

通鑑唐紀曰王

思禮為河東節度使資儲豐衍贍軍之外積米百萬斛  
通鑑宋紀曰孟珙謀知蒙古塔海等帥衆號八十萬  
南侵策其必道施黔以透湖  
湘乃請粟十萬石以給軍餉

原不積九年之儲

奚

備千金之費

增一鼠值錢四千

一鼠值錢數百

通鑑

唐紀曰郭子儀等九節度使圍鄴城築壘再重穿塹三  
重壘漳水灌之城中共泉皆溢構棧而居自冬涉春安  
慶緒堅守以待史思明食盡一鼠值錢四千洵牆戮及  
馬矢以食馬注云戮與職反先以麥戮雜土築牆今圍



急乏芻故淘穀以飼馬又曰山南東道節度使魯炆守南陽賊將武令珣田承嗣相繼攻之城申食盡一鼠值錢數百餓死者相枕藉上遣宦官將軍曹日昇往宣慰圍急不得入日昇請單騎入致命城中自謂望絕及見日昇大喜日昇復為之至襄陽取糧以千人運糧而入賊不能遏

### 三日積穀十囤

### 四口支糧一石

兵畧纂聞曰教諭郭懋守杞縣倉卒苦無軍食下令城中戶各出乾餼一升富

者倍之三日積穀十囤又曰李秉撫宣府時舊例邊軍月糧無家室者支六斗若妻死雖有父母兄弟亦作無家公奏准軍士雖無妻但有四口同居者許支一石上允奏通行

### 軍糧四

### 增荷葉裹飯

陳書孔奐傳曰齊蕭軌等來寇時糧運不繼三軍取給惟在京師高祖刻日決戰乃



令與多營麥飯以荷葉裹之信宿之間得數萬裏軍人旦食訖棄其餘因決戰遂破賊

處以儉

約唐書韓欸傳曰欸遷桂管觀察使時詔置五管監兵盡境賦不足以充其費欸處以儉約遂為定制

民貧不忍遽斂

又宗室國貞傳曰國貞加晉絳等州觀察處置使既至糧乏而所儲陳腐民貧

不忍遽斂上書以聞

百姓不知儆運勞

又鄭珣瑜傳曰珣瑜為河南尹是時韓全義將

兵伐蔡河南主饋運珣瑜密儲之陽翟以給官軍百姓不知儆運勞

兵所藉者食

又戴叔倫

傳曰齊映劉滋執政叔倫勸以屯難未靖安之者莫先於兵兵所藉者食故金穀之司不輕易人

兵

食所資在東南

又蕭穎士傳曰穎士客金陵時盛王為淮南節度大使留蜀不遣副大使季承

式玩兵不振穎士與宰相崔圓書以為今兵食所資在東南但楚越重山複江自古中原擾則盜先起宜時遣



王以捍鎮江淮  
俄而劉展果反

佛汗又劉元佐傳曰汴有相國寺或  
佛軀汗流元佐自往大施金

帛於是將吏商賈奔走輸金錢惟恐後十日元佐  
救籍所入得巨萬因以贍軍其權譎類皆若此

運

糧束馬之路

又高適傳曰始上皇東還分劍南為兩節  
度百姓傲於調度而西山三城列戍適上

疏曰平戎以西數城皆窮山之顛蹊隧  
險絕運糧束馬之路坐甲無人之鄉

輓漕所至輒

留以饋軍

又劉晏傳曰晏移書宰相以為淮陰去蒲坂  
亘三千里屯壁相望中軍皆鼎司元侯每言

衣無續食半菽輓漕所至輒留以  
饋軍非單車使者折簡書所能制

置見錢關子宋史  
高宗

本紀曰紹興元年初置見錢  
關子招人入中以給軍食

## 軍糧五



增詔後漢書朱浮傳曰彭寵反攻浮浮上疏求救報曰  
往年赤眉跋扈長安吾策其無穀必東果來歸降今度  
此反虜勢無久全其中必有內相斬者今軍資未充故  
須後來耳

增奏疏後漢書來歙傳曰光武詔使留屯長安悉監護  
諸將歙因上書曰公孫述以隴西天水為藩蔽故得延  
命假息今二郡平蕩則述智計窮矣宜益選兵馬儲積  
資糧昔趙之將帥多賈人高帝縣之以重賞今西州新



破兵人疲饑若招以財穀則其衆可集臣知國家所給  
非一用度不足然有不得已也帝然之唐書陸贄傳  
曰贄上書曰陛下命將興師以討四方一人征行十室  
資奉居者疲饋轉行者苦鋒鏑去留騷然而閭里不寧  
矣又曰又如遇敵而守不固陳謀而功不成責將帥  
將帥曰資糧不足責有司有司曰須給無乏更相為羣  
而朝廷含糊未嘗究詰故抱真者吞聲罔上者不慚馭  
衆若此可謂責課虧度也又曰軍志曰雖有石城十



仍湯池百步無粟不能守也故鼂錯論安邊之策要在積穀充國建破羌之議先務屯田 又曰兵之所屯食最為急若無儲蓄是棄封疆自昔敗亂之因多因餽餉不足 又奏減河運腳錢用充軍鎮和糴共計收糴米粟一百八十餘萬石非緣城守乏絕及不承別救處分並不得輒有費用則是邊城常貯一十五萬人一歲之糧以為急難之備諸鎮軍食例皆闕供告急上聞宣旨下迫則又請貸貯粟所謂匱竭其能幾何夫栽植至難



毀拔至易古人以樹楊為喻能不為之歎惜哉 又曰  
先務積穀人無加賦官不費財坐致邊儲數逾百萬分  
貯軍城用防艱急縱有寇戎之患必無乏絕之憂更經  
二年可積十萬人三歲之糧矣

增議八編類纂引元董搏霄議曰海寧一境不通舟楫  
軍糧惟可陸運而凡瀕淮海之地人民屢經盜賊宜加  
存撫權令軍人搬運其搬運之方每人行十步三十六  
人可行一里三百六十人可行一十里三千六百人可



行一百里每人負米四斗以夾布囊盛之用印封識人不怠肩米不著地排列成行日行五百回計路二十八里輕行一十四里重行一十四里日可運米二百石每運給米一升可供二萬人此百里一日運糧之術也

增贊唐書劉晏傳贊曰常操天下贏貲以佐軍興雖挈兵數十年斂不及民而用度足唐中僨而振晏有勞焉

軍期一

增周禮夏官大司馬及致建大常比軍衆誅後至者



軍期二

增漢書張騫傳曰騫為衛尉與李廣俱出右北平擊匈奴匈奴圍李將軍軍失亡多而騫後期當斬贖為庶人唐書劉義節傳曰義節從李靖擊吐谷渾後軍期士多死亡失器械以勲減死

軍期三

原不見虜 不至質

後漢祭彤字次孫與南單于左賢王信擊北匈奴期至涿耶山信初

有嫌於彤行出高門塞九百里得小山乃妄以為涿耶山彤到不見虜而還坐逗遛畏懦而下獄免又田廣



明字子都擊匈奴不至資引軍空還下太僕杜延年簿責廣明自殺注資所期處

斬莊賈

斬王恢

史莊賈後期穰苴斬之詳號令王恢逗遛當斬

增告師期

責限

牒唐書李愬傳曰時李光顏戰數勝元濟悉銳卒屯汴曲以抗光顏愬知其隙可乘乃遣從事鄭澥見裴度

告師期於時元和十一年十月己卯師夜起又李回

傳曰回督戰至蒲東王宰石雄橐鞬謁道左回不弛行

顧左右呼直吏責破賊限牒宰等震恐期

原內顧失

六旬取路否則死之未及期二日賊平

期

失道後期

武帝責楊僕失期內顧注內謂思妻子失道李廣事

增料敵

若神

謁帝如期

唐書韓充傳曰穆宗問充破賊期對一月可破二旬克帝喜曰料敵若神

窺又江夏王道宗傳曰帝將討高麗遣張儉輕騎度遼形勢儉畏不敢深入道宗請以百騎往約其還曰臣



請二十日行留十日覽觀山川得還見天子因秣馬束兵旁南山入賊地相易險度營陣便處將還會高麗兵斷其路更走間

五日當解

一月可決

通鑑目錄曰漢成帝建始

四年陳湯策烏孫兵不出五日當解又曰漢元帝永光二年隴西羌反馮奉世請用二萬人一月可決

不八日破賊

期六旬取潞

宋史岳飛傳曰飛征楊么會召張浚還防秋飛袖小

圖示浚浚欲待來年議之飛曰已有定畫都督能少留不八日可破賊註見責限牒

## 軍期四

增深入自贖

通鑑唐紀曰高崇文討劉闢河東將阿跌光顏將兵會高崇文於行營愆期一日懼

誅欲深入自贖軍於鹿頭之西斷其糧道城中憂懼

便宜從事

通鑑宋紀曰仁宗慶歷三年詔



陝西沿邊招討使韓琦范仲淹龐籍凡軍期中覆不及皆便宜從事用安撫使王堯臣議也

### 宗族從軍一

增魏志李典傳曰太祖與袁紹相拒官渡典率宗族及部曲輸穀帛供軍唐書渾瑊傳曰瑊年十一善騎射隨父釋之防秋朔方節度使張齊丘戲曰與乳媪俱來邪是歲立跳盪功

### 宗族從軍二

原蕭何遣耿純率

何遣宗族子弟從軍侍漢王後漢耿純字伯山率宗族賓客三千



人從世祖恐賓客等有異心  
乃燒其廬舍以絕反顧之望

舉宗從魏 收族詣鄴

魏志韋成宗族三千人家居乘氏請從魏郡太祖曰卿  
欲慕耿純耶謝曰臣功微寵過舉宗陳力今征伐未息

宜實郊隧非敢望純云云  
臧霸率子弟請收族屬詣鄴

增五服子弟三百人

甥姪部曲二百人

南史曹景宗傳曰梁武表景宗為竟  
陵太守及帝起兵景宗聚眾率五服

內子弟三百人從軍 唐書史敬奉傳曰敬奉矛矢在  
手前無強敵甥姪部曲二百人每出輒分其隊為四五  
隨水草數日不相知  
及相遇已皆有獲 請子率奴馬從軍 請家出奴

馬助征

又兵志曰郭子儀之壻端王傅吳仲孺殖貲累  
巨萬聞國家有急不自安請以子率奴馬從軍

德宗喜甚為官其子五品  
察使與世嘗任者家皆家出子弟奴馬裝鎧助征授官

白志貞請節度都團練觀



如仲儒子於是豪富者  
緣為幸而貧者苦之

宗族從軍三

增詩唐杜甫覽栢中丞并子姪數人除官制詞詩曰紛  
然喪亂際見此忠孝門蜀中寇亦甚栢氏功彌存深誠  
補王室戮力自元昆三止錦江沸獨清玉壘昏高名入  
竹帛新渥照乾坤子弟先卒伍芝蘭疊瓊璫同心注師  
律瀝血在戎軒

召募一



增宋史兵志曰初太祖揀兵中強勇者號兵樣分送諸道令如樣招募後更為木挺差以尺寸高下謂之等長杖委長吏都監度人材取之又曰真宗祥符中重定等杖自五尺八寸至五尺五寸為五等又曰仁宗天聖元年詔京東西河北諸路募兵當部送者刺指揮二字家屬給口糧兵官代還以所募多寡為賞罰

## 召募二

增唐書曰劉武周攻汾陽宮高祖乃募兵旬日間得衆



一萬 又論惟貞傳曰惟貞名瑀肅宗在靈武以衛尉少卿募兵綏銀闕旬衆數萬 又崔安潛傳曰乾符初王仙芝寇河南安潛募人增陴繕械不以力費仰朝廷又栢良器傳曰良器入為左神策軍大將軍知軍事募材勇以代士卒市販者 又封常清傳曰安祿山反常清募兵得六萬人然皆市井庸保乃部分旗幟斷河陽橋以守賊 通鑑唐紀曰武后命太子為河北道元帥以討突厥先是召募月餘不滿千人及聞太子為元



帥應募者雲集未幾數盈五萬 又曰右龍武將軍李  
觀將衛兵千餘人從上於奉天委之召募數日得五  
千餘人列之通衢旗鼓嚴整城人為之增氣 又曰建  
中四年四月募諸嘗為節度觀察都團練使子弟帥奴  
馬從軍使劉德信將之以救襄城 又曰崔寬與楊子  
琳戰數不利秋七月崔寧妾任氏出家財數十萬募兵  
數千人帥以擊子琳破之 五代史曰李繼韜募勇敢  
士為軍卒郭威年十八以勇力應募為人負氣好使酒



繼韜特奇之 通鑑宋紀曰高宗時詔陝西河北京東

西路募兵十萬更番入衛 宋史高宗本紀曰紹興六

年命辰沅靖澧四州以閒田募刀弩手三千五百人為

額 典故紀聞曰嘉靖初甘肅巡撫陳九疇請內帑銀

募軍戶部言據九疇所稱本鎮官軍原額七萬有餘近

年逃亡幾半夫逃軍既衆則餘糧亦多宜即以逃軍所

餘之糧為募軍月糧諸費 兵畧纂聞曰毛伯溫掌兵

部時團營軍耗不及額議召募補之公言京師募兵徒



得賈豎遊民無益於用宜止召募而嚴簡閱

### 召募三

原飲飛

豬突

光武時西戎反募飲飛射士魯奇應募  
宜受上賞漢岑彭燒橋事詳水戰王

莽時匈奴為寇甚莽大募天下  
囚徒人奴名曰豬突豬勇也

隆請

霸慙

馬隆字  
孝興涼

州有虜隆請募士三千無問所從來鼓行擊之公卿僉  
曰六軍既衆州郡兵多俱當用之不宜橫設賞募帝不  
許隆王郎反世祖令王霸於市募人  
霸至市人皆舉手擲榆莢之霸慙而返  
增上募 怨

軍

杜伏威傳曰江淮羣盜爭附伏威遜敢死士五千號  
上募八編類纂曰遼主自燕至陰涼河募遼人為

兵使報怨於女真號曰怨軍凡八營募自宜州者曰前  
宜後宜自錦州者曰前錦後錦自乾自顯曰乾曰顯又



有乾顯大營巖州營

凡二萬八千餘人

曠騎

山棚

唐書張說傳曰時衛兵貧弱番休者

亡命畧盡說建請一切募勇強士優其科條簡色役不旬日得勝兵十三萬分補諸衛以強京師後所謂曠騎

也又呂元膺傳曰元膺拜東都留守東畿西南通鄧

號川谷曠深多麋鹿人業射獵而不事農遷徙無常皆

趨悍善鬪號曰山棚權德輿居守將羈縻之未

克至是元膺募為山河子弟使衛宮城詔可

涅面

涅臂

又劉仁恭傳曰天祐三年朱全忠自將攻滄州壁長蘆仁恭患發男子十五以上為兵涅其面

曰定霸都士人則涅於臂曰一心

募勇士

募銳卒

又曰高宗儀鳳二年十二月募關內河東猛士以伐吐

蕃三年正月遣使募河南河北猛士以伐吐蕃

又薛

平傳曰王虔湊圍牛元翼詔平出援平遣將李叔佐率兵二千往刺史王稷餽餉陋狹衆潰而歸劫屯士萬人



薄州堞城中兵寡平悉公帑家貲募銳卒二千  
迎戰以奇兵掩賊輜重賊狼顧遂大敗降餘黨  
募居

民

募市人

又曰元宗避賊至馬嵬父老遮道請留太  
子討賊太子還至渭北便橋募水濱居民

得二千餘人蕭俛傳曰朱充融王廷湊亂  
朝廷調兵不充乃召募市人烏合戰輒北

給廩布

出金帛

晉書祖逖傳曰元帝以逖為奮威將軍豫州  
刺史給千人廩布三千疋不給鎧仗使自召

募

孔帖引康承訓傳曰龐  
勛出金帛募兵游民多從之

後樓都

宸衛都

唐書  
周寶

傳曰寶以京師陷賊將赴難益募兵號後樓都

五代

史曰閩王昶弟繼嚴判六軍諸衛事昶疑而罷之代以

季弟繼鏞而募勇士為宸衛都以

鎔邪軍

夜飛將

自衛其賜予給賞獨厚於他軍

唐書高駢傳曰駢以軍事屬呂用之募卒二萬為左右  
鎔邪軍又與守一分總置官屬如駢府又劉悟傳曰



從諫妻弟裴問守邢州有募兵五百號夜飛將多豪姓

募牧兒

募逃卒

又哥舒翰

傳曰安祿山反或說翰悉精銳誅君側此漢挫七國計也謀頗露楊國忠大駭入見帝曰兵法安不忘危大兵

在潼關而無後殿萬一有不利京師危矣即募牧兒三千人日夜訓練以劍南列將分統之又募萬人屯灞上

使腹心杜乾運為帥宋史寧宗本紀曰嘉定二年命荆湖制置司募逃卒及放散忠義以補廂禁軍闕

武銳軍

橫江軍

通鑑宋紀曰李廔芝為兩淮制置大使募汴南流民二萬餘人以實之號

武銳軍

宋史高宗本紀曰紹興四年詔江浙荆湖十

四郡各募水軍五百人名橫江軍兩浙十郡沿江海州

縣招補巡

充義軍

充扈衛

通鑑宋紀曰太宗將大發兵討契丹遣使募兵

檢土軍

於河南北四十餘郡凡八丁取一以充義軍宋史高宗本紀曰紹興七年詔席益募陝西河東河北兵三千



部送行在  
充扈衛

詔書繫木

蠟書冒圍

隋大業中突厥圍煬帝雁門煬帝從

圍中以木繫詔書投汾水而下募兵赴援  
曰靖康中張所以蠟書冒圍募河北兵士民得書喜曰  
朝廷棄我猶有一張察院能拔而用之  
應募者十七萬人由是所聲震河北

報仇募士

改官募兵

漢書灌夫傳曰夫父孟死吳軍中夫奮曰願  
取吳王若將軍頭以報父仇於是募軍中壯

士所善願從數十人  
公程以翰林院侍讀改浙江道御史募兵彰德楊公鼎  
以右春坊右中允改河南道御史募兵兗州檢討  
王王改江西道御史募兵濟南俱事完復故官

前

宜後宜

前錦後錦

注俱見前怨軍

原陳可取之民

募敢

死之士

吳志周祗乞於鄱陽召募事下陸遜曰此郡人  
易動難安祗固陳可取之民吳遽等果殺祗遜



討破增戴抹額應詔

銳鉏首應募

唐書妻師德傳曰時募猛士討吐蕃

師德乃自奮戴紅抹額來應詔高宗假朝散大夫使從

軍通鑑唐紀曰龐勛募人為兵人利於剽掠爭赴之

至父遣其子妻勉其夫皆

斷鉏首而銳之執以應募

戶免糧五石

月給米三

斗典故紀聞曰明英宗復立後命自遼東至甘肅一帶

邊民有強勁精壯願報効者募為土兵收附近衛所

給與銀布鞍馬器械秋冬操練支與口糧春夏務農住

支免其本戶五石稅銀二丁襍差以供給之兵畧纂

聞曰劉纓正德間為兵部侍郎初崇明盜起江南諸郡

繹騷所在募民兵應敵號義勇軍有司上其數請如官

軍給餉公不可曰往時王都御史借關隴民兵討洞蠻

從便宜月給米人三斗後皆籍為軍至今遺患於民國

家軍餉宜宜

募羣盜補屯卒

募饑民補廂軍

唐書曹華



傳曰華進棣州刺史州與鄆比時賊畧定滴河華遽逐賊斬二千級復其縣又募羣盜可用者貸死補屯卒使據孔道賊至輒擊卻之不敢北通鑑宋神宗紀曰熙寧元年募飢民補廂軍

### 召募四

增築臺募萬死一生者

唐書南霽雲傳曰張巡始被圍築臺募萬死一生者數日無敢

應俄有暗鳴而來者乃霽雲也巡對泣下

徵兵滿萬不如召募數千

孔帖引韓

丈若召募土人必得豪勇與賊相熟知其氣力所極無望風之驚愛護鄉里勇於自戰徵兵滿萬不如召募數千

募重而約嚴

唐書蘇頌傳曰吐蕃盜邊帝欲自將兵討之頌上疏諫止有曰若夫擇良

將募重而約嚴違律必誅殺敵必賞多出金以購酋長賊亡無日矣



召募五

增奏疏唐郭虔瓘傳曰虔瓘建募關中兵萬人繫突厥  
餘寇有詔募士給公乘在所續食將作大匠韋湊上言  
漢徙豪族實關中今畿輔戶口逋耗不宜更募驍勇以  
空京甸資荒服萬人所過遞馱熟糗餼亘六千里州縣安  
所供億秦隴以西多沙磧少居人若何而濟縱有克獲  
其補幾何倘稽天誅則諉大事

御定淵鑑類函卷二百十六



欽定四庫全書

御定淵鑑類函卷二百十七

武功部十二

願從征伐

簿籍

軍刑

致師

搗師

弭兵

伏兵

祭師

發軍

先鋒  
鄉導

願從征伐一

增家語曰孔子北遊于農山四望喟然歎曰二三子各  
言爾志吾將擇焉子路進曰由願得白羽若月赤羽若  
日鐘鼓之音上震於天旂旗繽紛下蟠於地由當一隊



而敵之必也攘地千里塞旗執馘唯由能之 後漢書

王霸傳曰光武過潁陽霸率賓客上謁曰將軍興義兵

竊不自知量貪慕威德願充行伍 唐書馬璘傳曰馬

璘年二十讀漢馬援傳至丈夫當死邊野以馬革裹尸

而歸慨然曰使吾祖勲業墜於地乎開元末挾策從安

西節度府 又李晟傳曰李抱玉署晟右軍將吐蕃圍

靈州抱玉授以兵五千擊之晟辭曰以衆則不足以謀

則多乃請將一千人由大震關趨臨洮屠定秦堡執其



帥慕容谷鍾而還吐蕃乃解圍去 又封常清傳曰安  
祿山反帝引見問何策以討賊常清大言曰天下太平  
久人不知戰然事有逆順勢有奇變臣請馳至東京悉  
府庫募驍勇挑馬箠渡河計日取逆首以獻闕下天子  
壯之 又馬燧傳曰李懷光反河中朝臣多請宥懷光  
者燧以懷光反覆不可信河中近甸捨之屈威靈無以  
示天下乃捨軍入朝為天子自言之且云得三十日糧  
足平河中許之



# 願從征伐二

增投筆

請纓

漢書班超傳曰超為官傭書常輟業投筆歎曰丈夫無他志略猶當效傅介子

張騫立功異域以取封侯安能久事筆硯間乎史記曰終軍請願受長纓必羈南越王而致之闕下

原從軍行

狗國難

增當一隊

為前鋒

漢書李陵傳曰陵叩

頭自請曰臣所將屯邊者皆荆楚勇士奇材劍客也力扼虎射命中願得自當一隊北征記曰永樂時忠勇

王金忠來歸屢言阿魯台弑主虐人違天逆命數為邊患請發兵討之願身為前鋒自効

原卜式

奮身

寶憲奮擊

卜式上書聞南越反願父子與齊習戰船往死之下詔曰齊相卜式願奮

身國難賜爵關內侯寶憲願奮擊匈奴以贖罪

呂蒙十五擊賊

張奮二



十領兵

吳志呂蒙年十五六竊隨姊夫鄧當擊賊當顧見呵叱不能禁止歸白母母怒欲罰之蒙曰貧

賤難可居設有功富貴可致不探虎穴安得虎子也又張昭弟子奮年二十造作攻城火攻車步騭薦之昭不願曰汝年少對曰童汪死難子奇治阿奮不才年不為少也領兵連有功

增尚能被甲

上馬

更學兵書戰策

後漢書馬援傳曰武威將軍劉尚擊武陵五溪蠻深入軍沒援

因復請行時年六十二帝愍其老未許之援自請曰臣尚能被甲上馬帝令試之援據鞍顧盼以示可用帝笑曰矍鑠哉是翁也遂遣援唐書馬燧傳曰燧與諸兄學輟策歎曰方天下有事丈夫當以功濟四海渠老一儒哉更學兵書戰策

願從征伐三



增詩唐楊炯從軍行曰烽火照西京心中自不平牙璋  
辭鳳闕鐵騎遶龍城雪暗雕旗畫風多雜鼓聲寧為百  
夫長勝作一書生 明陳汝言從軍詩曰蕭蕭戎馬鳴  
悠悠赴遐征洒涕別親戚前行有期程骨肉思難斷負  
戈且吞聲開邊報明主寧顧死與生 我非將門子生  
本良家兒少年事馳騁射獵南山陲邦家有急難詔書  
下丹墀跨馬出門去立身當及時 平沙浩漫漫行邁  
不遑歇父母生我時豈知從戰伐風吹隴頭樹月照原



上骨成功勒燕然千載名不沒

簿籍一

增周禮夏官大司馬中夏教茆舍如振旅之陳羣吏撰

車徒讀書契

鄭元注曰讀書契謂以簿書校錄軍實之凡要

李靖問對曰臣

按春秋左氏傳云先偏後伍又司馬法曰伍人為伍尉  
繚子有東伍令漢制有尺籍伍符後世符籍以紙為之  
於是失其制矣

簿籍二



增史記李廣傳曰程不識正部曲行伍營陣擊刁斗士吏治軍簿至明士多樂廣而苦不識

簿籍三

原簡稽

動衆

周禮小宰以官府之八成經邦治二曰聽師田以簡稽註士卒兵器簿書也稽

計也簡閱也合也合計其士卒閱其兵器為之要籍也禮足以動衆註動衆謂師役之事

持囊

立符

丙吉馭吏習知邊事警急見驛騎持赤白囊書馭吏因刺取探候之知虜入雲中代郡因白吉

也後漢初禁防尚簡但以璽書發兵未有虎符之信杜詩上疏請立虎符絕詐偽從之

增比籍

判簿

唐書兵志曰德宗幸梁還以神策兵有勞皆號興元元從奉天定難功臣恕死罪中書御史府



兵部乃不能歲比其籍 又百官志曰兵部郎中一人判簿及軍戎調遣之名數

讀書契

立簿注

上註見第一

唐書蘇瓌傳曰時十道使括天下七戶初不立籍人畏搜括即流入比縣旁州

更相廋蔽瓌請罷十道使專責州縣預立簿注天下同日閱正盡一月止

為四籍 為二

籍

唐書兵志曰開元十三年始以曠騎分隸十二衛總十二萬為六番每衛萬人京兆曠騎六萬六千華州

六千同州九千蒲州萬二千三百絳州三千六百晉州千五百岐州六千河南府三千陝虢汝鄭懷汴六州各

六百內弩手六千其制皆擇下戶白丁宗丁品子彊壯五尺七寸以上不足則兼以戶八等五尺以上皆免征

鎮賦役為四籍兵部及州縣衛分掌之十人為火五火為團皆有首長又擇材勇者為番頭頗習弩射 又十

二年詔左右羽林軍飛騎闕取京旁州府士以戶部印印其臂為二籍羽林兵部分掌之

原尺籍



伍符 軍書羽檄

漢書馮唐曰士卒盡家人子起田中安知尺籍伍符註尺籍以書軍令伍

符者軍行士伍伍相保符信詳將帥又息夫躬言軍書交馳而輻輳羽檄重跡而押至

邊遽乃

至 吳語遽聞

增以小冊記兵

出片紙指名

通鑑宋紀

曰曹瑋知秦州數言哨廝囉欲內寇請益兵翰林學士李迪奏陝西諸郡兵自可以益之帝因問以陝西兵數對曰臣為轉運使時以方寸小冊記兵及糧以備調發今猶置佩囊中因取以進帝曰不意頗牧在吾禁中

典故紀聞曰明太祖諭諸將校曰朕昔下金華時館於廉訪司有給掃除數老人能言元時點兵事使者問其主將曰爾兵何在主將舉所佩繫囊出片紙指其名曰盡在此矣其怠弛如此及天下亂無兵可用乃集農夫驅市民為兵至不能彎弓發一矢



# 簿籍四

增名隸籍而身居市肆

唐書兵志曰德宗時白志貞請節度都團練觀察使與世嘗任

者家皆出子弟馬奴裝鎧助征神策兵既發殆盡忠貞陰以市人補之名隸籍而身居市肆

一報

再報

兵略纂聞曰弘治間馬端肅公本兵時言故事各邊軍馬數目三年一造冊奏報恐其間消長參差

卒然有警難以調度宜自今改議地方稍遠者歲一報邊方多事之地歲再報

# 簿籍五

增策唐劉蕡對策曰今夏官不知兵籍止於奉朝請六軍不主兵事止於養勲階



增議宋錢若水撰劉珙謚議曰公鎮江陵條上兵少財匱之狀除去詭名虛籍之弊大修部伍戰陣之法

軍刑一

增商書湯誓曰爾尚輔予一人致天之罰予其大賚汝爾無不信朕不食言爾不從誓言予則孥戮汝罔有攸赦周書牧誓曰今予發惟恭行天之罰今日之事不愆于六步七步乃止齊焉夫子勗哉不愆于四伐五伐六伐七伐乃止齊焉勗哉夫子尚桓桓如虎如貔如熊



如羆于商郊弗迓克奔以役西土勛哉夫子爾所弗勛  
其于爾躬有戮 周禮曰夏官大司馬及致建大常比

軍衆誅後至者

尉繚子武議篇曰凡誅者所以明武

也殺一人而三軍震者殺之殺一人而萬人喜者殺之  
殺之貴大賞之貴小當殺而雖貴重必殺之是刑上究  
也賞及牛童馬圉者是賞下流也夫能刑上究賞下流  
此將之武也 海錄碎事曰兵去卒逃歸斬之一日家  
人不捕執及不言于吏盡與同罪 兵略纂聞曰嘉靖



間毛伯溫掌兵部言兵不用命其弊在法令太寬請自  
今有逗遛者都指揮以下巡撫得斬以徇總帥則具狀  
以請至今論邊事者以公為師

軍刑二

增唐書高宗文傳曰崇文統諸鎮討西川劉闢至興元  
士有折逆旅七箸者即斬以徇 八編類纂曰代宗以  
馬璘兼邠寧節度使璘以段秀實為都虞候卒有能引  
弓重二百四十斤犯盜當死璘欲生之秀實曰將有愛



憎而法不一雖韓彭不能為理璘善其議竟殺之 孔  
帖曰李洪正為武寧節度使徐自王智興後吏卒驕縱  
不法洪正戮其尤無狀者終洪正治不敢譁 宋史岳  
飛傳曰飛行軍嚴肅卒有取民麻一縷以束芻者立斬  
以徇 八編類纂曰金呼沙呼遣使分詣諸道選兵詣  
蔡得精銳萬餘忠孝軍提控李德率十餘人乘馬入省  
大呼以月糧不優幾于罵詈呼沙呼縛德杖之金主諭  
呼沙呼曰此軍得力方欲倚用卿何不容忍責罰乃爾



呼沙呼對曰時方多故錄功隱過自陛下之德至於將帥之職則不然小犯則決大犯則誅其強兵悍卒不可使一日不在紀律睢陽之禍豈獨官奴之罪亦有司縱之大過耳 弇州史料西平王世家曰張輔用兵持重有遠略於賞罰必信貴將黃中恃功違節度詰之不遜即手刃之梟於轅門諸將股栗莫敢仰視 又二史考曰明英宗時阿勒坦多爾濟巴勒數寇甘涼命王驥西巡許以便宜行事公至稽閱邊備知守將法弛而令不嚴明



日集衆轅門詢平日畏敵不畏將者得都指揮安敬即斬以徇一軍震慄 兵略纂聞曰嘉靖時倭奴入寇巡撫李遂守泰州城召將士激以忠義曰能與我共死國者亟趨左不能者聽諸將士紛紛爭走左一人趨左復還若有避者斬以徇移檄諸營誓必死

### 軍刑三

原正邪

討叛

左傳子反入見申叔時曰師其如何對曰德刑詳義禮信戰之器也德以施惠

刑以正邪 又不討何以示威

軍刑

軍禁

周禮

增非令

以法



尉繚子武議篇曰吳起與秦戰未合一夫不勝其勇前獲雙首而還吳起立斬之軍吏諫曰此材士也不可斬起曰材士則是也非吾令也斬之後漢郭躬傳曰竇固出擊匈奴騎都尉秦彭為副彭在別屯輒以法斬人

丹道

殷渠

唐書韓弘傳曰汴自劉士寧以來軍益驕韓弘察軍中素恣橫者三百人一日

數其罪斬之流血丹道弘言笑自如自是訖弘去無一人敢肆者又曹華傳曰華擢橫海軍節度副使時朝廷披鄆為三鎮其明年充海軍亂殺觀察使王遂詔華往代視事三日合軍大饗幕甲士于廡酒中令曰天子以鄆人參別而戌有轉徙勞欲厚賞之請鄆人右州兵左既而出州兵乃闔門大言曰天子有命誅殺帥者甲起于幕環之凡斬千二百人血流殷渠殺婦斬甥赤氣冒門高丈餘海沂之人重足屏息

晉書郭默傳曰永嘉之亂默帥衆自為塢撫循將士甚得歡心默婦兄陸嘉取官米數石餉妹默以為違制將



殺嘉嘉奔石勒默乃自射殺婦以明無私唐書竇軌傳曰軌初以其甥為腹心偶夜出呼不時至斬之又戒家奴毋出外忽遣奴取漿公厨既而悔焉曰要當偕汝頭以明法命斬奴奴稱冤監刑者疑不時決軌并斬之

按狀

誅情

通鑑宋紀曰狄青討儂智高進次賓州戒諸將無得妄與賊鬪聽吾所為廣西

鈴轄陳曙乘青未至輒以步兵八千擊賊潰於崑崙關殿直表用等皆遁青曰令之不齊兵所以敗晨會諸將堂上揖曙起并召用等三十二人按以敗亡狀驅出軍門斬之諸將股栗莫敢仰視八編類纂曰後晉三鎮

繼叛人情大震劉知遠乃嚴設科禁有軍士盜紙錢一幘被擒左右請釋之知遠曰吾誅其情不計其直竟殺

之由是衆

斬子

殺叔

八編類纂曰南唐時周兵圍壽春連年未下劉仁贍幼子

皆畏服

崇諫夜泛舟渡淮北為小校所執仁贍命斬之左右莫敢救監軍使周廷構哭於中門以救之不許廷構復使



求救於夫人夫人曰妾於崇諫非不愛然軍法不可私  
名節不可虧若貸之則劉氏為不忠之門妾與公何面  
目見將士乎趣命斬之然後成喪將士皆感泣話腴  
曰曲端統兵日有叔父必欲居將列以功名自見力止  
之不聽遂以偏將出戰後竟敗歸既誅乃成服發喪其  
祭文曰嗚呼斬叔者涇原統制祭叔者姪兒曲端尚享  
士莫不畏服

**原察軍憲**

**戮犯命**

憲陰姦也

周

**易果**

**毅**

**干旗鼓**

傳殺敵為果致果為毅易之

**順為武**

**仁而武**

師衆以順為武無能違也

**增斬軍候**

史記趙奢傳曰趙使趙奢救韓兵去

邯鄲三十里而令軍中曰有以軍事諫者死秦兵鼓噪  
勒兵武安屋瓦皆振軍中候有一人言急救武安立斬  
之後破秦軍

**髡職吏**

**捷近侍**

吳志陸遜傳曰射聲校尉孫松於公子中

賜號馬服君



最親戲下兵不整遜對之髡其職吏通鑑宋紀曰蒙古子額森岱因獵傷民稼蒙古主責之捷近侍數人有

拔民蔥者斬之

鞭其背

捷之市

唐書周墀傳墀拜義成節度使宿將暴警不循令者

墀命鞭其背一軍大治

典故紀聞曰常遇春守金華其部將有擾民者衢州總制王愷執而捷之市遇春怒

使人讓之愷曰民者國之本將軍上股肱肯令傷其本乎捷一部將而萬民安亦將軍所樂聞也遇春謝之

斬中丞

斬副使

唐書李光弼傳曰光弼以景城河間兵五千入太原前節度使王承

業政弛謬侍御史崔衆主兵太原每侮狎承業光弼素不平及是詔衆以兵付光弼衆素狂易見光弼長揖不即付兵光弼怒收繫之會使者至拜衆御史中丞光弼曰衆有罪已前繫今但斬侍御史若使者宣詔亦斬中丞使者內詔不敢出乃斬衆以徇威震三軍又高仁厚傳曰楊師立反命仁厚討之師立夜出兵擾北柵仁



厚設伏擊走之副使楊茂言謂仁厚且敗引兵走久乃還明日會諸將仁厚曰副使當以死報天子斬而徇

原師不赦過

戮不用命

禮師執禁以齊衆不赦過書不用命戮于社

師出以律

民服以罪

易否臧凶公曰三罪而民服

有死無犯

明恥教戰

魏絳曰軍士有死無犯為敬左傳求殺敵也

猛以濟寬

威

克厥愛

師以嚴終

功用威克

屬在戎行

貞其

師律

率職用威

齊民以法

有令必行

無瑕可

戮

敗軍責帥

用法伏辜

立武知禁

守文經武

增一人不戮

一軍皆震

左傳曰僖公二十七年楚子將圍宋使子文治兵於



朕終朝而畢不戮一人唐書路嗣恭傳曰嗣恭為郭子儀朔方節度留後大將孫守亮擁重兵驕蹇不受制

嗣恭因稱疾守亮至即殺之一軍皆震

擲枕稱善

給車歸葬

宋史張

曰永德從周世宗親征劉崇戰于高平大將樊愛能何徽方戰退劒及駐上黨世宗晝卧帳中召永德語曰前日高平之戰主將殊不用命樊愛能而下吾將案之以法永德曰陛下欲固守封疆則已必欲開拓疆宇威加四海宜痛懲其失世宗擲枕於地大呼稱善翌日誅二將以徇八編類纂曰周世宗既誅樊愛能以何徽先守晉州有功欲免之既而以法不可廢遂并誅之而給柩車歸葬自是驕將情卒始知所懼

取穀

立斬

借釜立礫

典故紀聞曰成祖北征聞軍士有取民田穀飼馬者責之曰農民終歲勤

勞以供國用汝獨不念耶兵行之際芻粟一給於官又敢虐取諸民立命斬以徇

奔州史料岐陽王世家曰



李文忠入杭州營於麗譙下令曰敢有擅入民居者殊死一卒下借民釜立礫以徇自是中外皆安堵如故

見者股栗

謁者滕進

唐書實軌傳曰軌從討王世充明年還蜀既貴益嚴酷其

下有不用命即誅至小過亦鞭箠流血人見者皆重足股栗由是蜀盜悉平唐書韋雲起傳曰契丹寇營州

詔雲起護突厥兵討之啟民可汗以二萬騎受節度雲起使離為二十屯屯屯相聯絡四道并引令曰鼓而行角而止非公使毋走馬三喻五復之既而紇斤一人犯令即斬以徇於是突厥酋長入謁者皆膝而進莫敢仰視

原聞將軍之令

撓孫吳之法

若施用刑之威

恐貽責帥之恥

大為防而猶踰

小不忍而恐亂

受榮既等於秦彭

用鉞何殊於魏絳

魏絳戮楊干



之僕 陸遜髡孫松之吏 訓鷹揚之師令宜先定  
整烏合之衆刑在必行 訓必勝之師罪非無赦 勵  
陷堅之卒令在惟行 鞭七貫三雖爽理兵之體 罰  
一勸百宜宣用鉞之威

### 軍刑四

增不以鄉里故廢法

吳志呂蒙入南郡令軍中不得干  
歷人家有所求取蒙麾下士是汝

南人取民家一笠覆官鎧蒙曰  
不可以鄉里故廢法垂涕斬之

臨賊境而害主將

孔帖

曰李國貞死以郭子儀代之及子儀至王元振自謂且  
見德子儀怒曰汝臨賊境害主將賊若乘虛是無絳矣



又欲為功乎  
即斬以徇

親故無脫

唐書闕後傳曰部兵皆羣盜橫相侵牟後案罪殺之雖親

故無脫者

具聞請釋

兵略纂聞曰成化時韓雍征大藤峽出令五鼓戰時將領聞賊已覺恐遲

失事二更即發大破之公賞其功問以違令之罪以軍法當斬乃具聞請釋曰萬一不用命而敗奈何人謂公得將將之體

# 致師一

增吳起論將篇曰兩軍相望不知其將令賤而勇者將輕銳以嘗之務於北無務於得  
六帖引贊皇一品集  
牛僧孺等兵法云用兵者致人之師不可自致所謂致



人者且令其自來

致師二

增唐書尉遲敬德傳曰竇建德營板渚王命李勣等為  
伏親挾弓令敬德執稍略其壘大呼致師建德兵出乃  
稍引却殺數十人衆益進伏發大破之 通鑑宋紀曰  
元察罕攻真州知州丘岳部分嚴明守具周悉元兵薄  
城輒敗岳乘勝出戰于胥浦橋以強弩射其致師者一  
人死之



致師三

原訟敵

嘗寇

周禮訟敵國注敵國兵來則往之與訟曲直若齊國佐如師傳嘗寇而速去

之嘗試也

蹈師

挑戰

環人掌

晉軍挑

周禮環人掌致師注致師

者致其必死之志古者將戰先使勇力之士犯敵趙旃挑戰夜至楚軍席於軍門之外使其徒入之示無畏

踞轉鼓琴

遣書遺幘

張駱輔躒致楚師踞轉而鼓琴轉衣囊也魏氏春

秋曰諸葛亮屯渭南糧少欲速戰魏勅司馬宣王堅壁挫其鋒亮屢遣書又致巾幘以怒宣王宣王將戰辛毗杖節奉詔勅乃止巾幘婦人喪巾遺之中幘言其無勇以掉之幘音馘

靡旌摩壘

折

馘執俘

左傳楚許伯御樂伯攝叔為右以致晉師許伯曰吾聞致師者御靡旌摩壘而還攝叔曰致師



者右入壘折  
賊執俘而還

增輕騎致賊

輕甲挑師

唐書王道元傳曰寶建德

屯虎牢秦王輕騎致賊遣道元伏以待賊至又姜寶誼傳曰劉武周使王子英數盜雀鼠谷帝遣寶誼擊之

賊輕甲挑師戰接而三遁逐之伏發寶誼為賊執

原環四方之故

席軍門

之外

周禮注卻其以事謀來侵伐者所謂折衝禦侮詳上

致師四

增遺婦人服書稱陳姚

唐書杜伏威傳曰煬帝遣陳稜以精兵討伏威稜不敢戰伏威

遺以婦人服書稱陳姚怒其軍稜果悉兵至

錦衣驄馬立陣前

宋韓世忠圍淮陽城

烏珠與劉猷同引兵來救世忠勒陣向敵遣人語之曰錦衣驄馬立陣前者韓相公也或危之世忠曰不如是



不足以致敵敵果至殺其導戰二人遂引去

犒師一

增周禮曰地官牛人軍事共其犒牛 海錄碎事曰應劭言多其牢賞注牢廩食也 五代史李守貞傳曰守貞為將無節制其始發軍也有賜賚曰掛甲錢班師又加賞勞曰卸甲錢出入之費常不下三十萬由此晉之公私重困

犒師二



增後漢書岑彭傳曰彭率臧宮劉歆長驅入江關令軍  
中無得擄掠所過百姓皆奉牛酒迎勞 晉書桓溫傳  
曰溫北征進兵至霸上持牛酒迎溫於路者十八九者  
老感泣曰不圖今日復見官軍 通鑑唐紀曰上發涇  
原諸道兵救襄城涇原節度使姚令言將兵五千至京  
師軍士冒雨寒甚多攜子弟而來冀得厚賜遺其家既  
至一無所賜至澧水詔京兆尹王翊犒師惟糲食菜餽  
衆怒蹴而覆之 通鑑宋紀曰南唐主李煜每聞朝廷



出師克捷及喜慶之事必遣使犒師修貢 宋史高宗  
本紀曰紹興七年賜吳玠犒軍錢百五十萬緡

犒師三

原弦高

展喜

左傳秦人襲鄭鄭商人弦高以乘韋先牛十二犒師曰不腆敝邑敢犒從者居

則具一日之積行則備一夕之衛 國語齊伐魯展喜以膏沐犒師以義服明且不賂免也

增使

弟

遣叔

左傳曰楚子以驛至于羅汭吳子使其弟蹇由犒師 通鑑宋紀曰太祖遣李處耘等假

道荆南討張文表處耘至襄州遣丁德裕諭繼冲以假道之意繼冲乃遣其叔父保寅奉牛酒犒師於荆門且規強弱處耘待之有加

驅鹿

共牛

後魏書鄧穎傳曰世祖幸漠南高車莫弗庫若干率



騎數萬餘驅鹿百餘萬詣行在所詔穎為文銘于漠南以紀功德

共牛註見第一

作糜粥

設糲飯

五代史王敬瑄傳曰梁兵攻吳龐師古死清口敗兵亡歸過潁大雪士卒饑凍敬瑄乃泐淮積

薪為燎為作糜粥舖之亡卒多賴以全活

唐書任迪簡以檢校工部尚書為節度使承張茂昭奢縱後公私

屈乏欲享士無所給至與下同糲食身居戟戶踰月

原單食壺漿

具積備衛

孟子武王伐商其小人簞食壺漿以迎之

詳上

增殺妾以饗

賣女為費

唐書張巡傳曰巡守睢陽士多饑死存者皆瘡傷氣乏巡出愛妾曰諸君經年乏食而忠義不少哀吾恨不割肌以啖衆寧惜一妾而坐視士飢乃殺以大饗坐者皆泣巡彊令食之遠亦殺奴僮以哺卒至羅雀掘鼠煮鎧弩以食又張仵傳曰仵為澤潞將守臨洺田悅攻之乘城固守累月士死糧且盡救不至仵悉召部將立軍



門命女出徧拜因曰諸君戰良苦吾無貲為賞願以是女賣直為衆士一日費士皆哭曰請死戰

以

綾犒軍

以繒犒軍

唐書韓滉傳曰劉元佐不朝帝密詔滉諷之及過汴滉因結為弟兄

謂宜早見天子以錢二十萬為辦裝又以綾二十萬犒軍通鑑唐紀曰王鎔與朱全忠連和以其子節度副

使昭祚及大將子弟為質以文繒二十萬犒軍

發家錢頒士

斥禁錢賜軍

唐書田布傳曰布拜魏博節度使發家錢十萬緡頒士卒李絳傳曰田興以魏博聽命絳曰王化不及魏博久矣一日挈六州來歸不大犒賞人心不激請斥禁錢百五十萬緡賜其軍

弭兵一

增家語曰孔子北遊登于農山曰二三子各言其志子



路進曰由願得白羽若月赤羽若日攘地千里褰旗折  
馘子貢進曰賜願旗鼓相望縞衣白冠陳說其間二國  
釋怨顏回曰聞薰蕕不同器而治回顧得明王聖主而  
相之鑄劍戟為農器放牛馬於原藪則由無所施其勇  
賜無所施其辨矣莊子曰見侮不辱救民之鬪禁攻  
寢兵救世之戰司馬法天子之義篇曰古者戍兵三  
年不典覩民之勞也上下相報和之至也得意則凱歌  
示喜也偃伯靈臺答民之勞示休也



## 弭兵二

增史記始皇帝本紀曰收天下兵聚之咸陽銷以為鐘  
鑪金人十二重各千石置宮廷中 南唐書元宗紀曰  
帝自以唐室苗裔誅於斥大境土之說及福州湖南再  
喪知攻取之難始議弭兵務農或曰願陛下十數年勿  
復用兵元宗曰兵可終身不用何十數年之有

## 弭兵三

原志戰 戢兵

主父偃曰國雖大好戰必亡天下雖平  
忘戰必危 武有七德一曰禁暴二曰



戰兵

不教

不戰

不教民戰是謂棄之  
兵猶火也不戰將自焚

宋為名

晉議去

宋向戌欲弭諸侯之兵以為名韓宣子曰兵民之殘也財用之蠹也小國之大災也將或弭之

雖曰不可必將許之子罕謂向戌曰天生五材民並用之廢一不可誰能去兵兵之設久矣所以威不軌昭文

德聖人以興亂人以廢子求去之不亦誣乎晉書吳平議悉去兵大都置武吏百人小都五十人山濤盧欽

云不宜去武備

增脫兜鍪

寂漆弓

韓愈詩曰佇繼貞觀烈邊封脫兜鍪唐書王

忠嗣傳曰忠嗣嘗曰平世為將撫衆而已吾不欲竭中國力以幸功名有漆弓百五十斤每發之示無所用

原戢戈橐矢

歸馬放牛

詩載戢干戈載橐矢書歸馬于華山之陽放牛

於桃林之野示天下不復用也

干戈倒載

兵革不試

禮曰武王克殷倒載干戈



包之以虎皮名曰建櫜然後天下知武王之不用兵也

試用也

弛而不張 闇而

不用

以討彊暴救危殆昔黃帝有涿鹿之戰以定火災

史記兵者聖人所

顯項有共工之陣以平水害而世儒闇于大較猥云不當用兵大至失守小至削弱故刑法不可捐于國誅伐不可偃於天下但用之

增偃革尚文

息兵修德

唐書

蕭俛傳曰穆宗初兩河底定俛與段文昌當國謂四方無虞遂議太平事以為武不可黜勸帝偃革尚文又張文瓘傳曰新羅叛帝將出兵討之時文瓘病臥家自力請見曰吐蕃盜邊兵屯境未解新羅復叛議者欲出師臣恐人不堪弊請息

偃旗息鼓

寢柝包戈

唐書裴光

庭傳曰明皇有事岱宗張說以京師空虛議欲加兵守邊召光庭與謀對曰諸蕃突厥為大贄幣往來願修和



好有年矣若遣使召赴行在必欣然應命突厥受詔則  
諸蕃君長必相率而來我偃旗息鼓不復事矣

記纂

淵海引三傑詩序曰寢  
黑山之柝包青海之戈

溟澥無波

邊陲罷警

孔帖舒元

輿問國庠記今溟澥無波兵器可以蒙之虎皮矣乃大  
修周公仲尼之道之時也

贊皇一品集與回紇可汗

書邊陲罷警

車甲永藏

烽燧不驚

孔帖柳宗元表曰車甲永藏馬

弓矢載櫜

牛勿用烽燧不

韜刃卷鎧

罷柝銷鋒

唐書叛臣傳曰李希烈陷

驚兵戎以息

汴聲言襲江淮陳少游懼遣參謀送款曰毫壽

孔帖劉禹錫表

原去

不祥之器

非君子之器

左師之欲去兵是謂誣道

主父之謂忘戰實曰危機



弭兵四

原一拒越師

江南野史李昇曰民各生父母安用爭城廣地使之膏血塗于野草乎自握王權至

禪位凡數十年止一拒越師蓋不得已而為之

願以兵為戒

唐書李德裕傳曰帝既數討叛

有功德裕慮快於武不可戢即奏言陛下征伐無不得所欲願以兵為戒乃可保大功

弭兵五

增賦晉左太冲魏都賦曰喪亂既弭而能宴武人歸獸  
以去戰蕭斧戢柯以桺刀虹旗攝麾以就卷

增詩唐杜子美詩曰安得壯士挽天河淨洗甲兵長不



用 又曰青海無傳箭天山早掛弓 李白發白馬詩  
曰一掃清大漠包虎戢金戈 宋王介甫詩曰羌兵自  
此無傳箭漢甲如今不解纍

增雅唐柳宗元平淮雅曰淮夷既平震是朔南宜廟宜  
郊以告德音歸牛休馬豐稼于野我武唯皇永保無疆  
右皇武 乃諭乃止蔡有厚喜完其室家仰父俯子汝水

汙汙既清而瀾蔡人行歌我步逶遲

右方城

增序三傑詩序曰偃甲辭軒銷金罷刃



增狀唐柳宗元狀曰和氣遠同罷七旬之干羽仁風溥  
暢收六月之車徒

增策唐元稹策曰古之所謂銷兵革者非謂幅裂其旗  
章鏤鍊其鋒刃而已也蓋誠信著于上則忠孝行于下  
富壽立于內則夷狄和于外夷狄和則邊鄙之兵息富  
壽立則爭奪之患銷

增疏唐獨孤及代宗以左拾遺名既至上疏陳政曰夫  
療癰者必決之使潰今兵之為患猶癰也不以漸戢之



其害滋大而圖之必力倍而功寡豈易不誅終日之義耶

伏兵一

增易曰伏戎于莽三歲不興 孫子行軍篇曰軍旁有險阻潢井林木蘊葭薈蒼者必謹覆索之此伏姦之所也

伏兵二

增魏志李典傳曰劉表使劉備北侵至葉太祖遣典與



夏侯惇拒之備一旦燒屯去惇率諸軍追擊之典曰賊無故退疑必有伏南道窄狹草木深不可追也惇不聽與于禁追之典留守惇等果入賊伏裏戰不利典往救備見救至乃退 晉書載記曰石季龍攻晉將劉演于廩丘兗豫豪右張平等起兵救演季龍夜奔營設伏于外揚聲將歸河北平等以為信然入于空營季龍迴擊敗之遂陷廩丘 隋書張定和傳曰煬帝征吐谷渾吐谷渾主伏允以數十騎遁遣其名王詐稱伏允保車我



真山帝令定和率師擊之既與賊遇輕其衆少呼之命  
降賊不肯下定和不被甲挺身登山賊伏兵巖谷下發  
矢中之而斃唐書羅士信傳曰士信率千餘人來降  
高祖拜陝州道行軍總管師次洛陽攻千金堡堡有惡  
言詢軍士信怒夜遣百人載嬰兒啼噪堡下若自東都  
出奔者既而陽悟曰非也此千金堡耳因散去堡兵開  
門追掠士信伏入屠之又王君廓傳曰君廓亡命聚  
徒數千人轉掠長平河東郡丞丁榮以兵拒之又遣使



慰召君廓見使謬為恭敬稱欲歸首榮輕之因陳兵登山君廓悉伏甲山谷中榮軍還掩擊破之又哥舒翰

傳曰先是吐蕃候積石軍麥熟歲來取莫能禁翰乃設伏東南谷吐蕃五千騎入塞放馬褫甲將就田翰馳至鏖鬪吐蕃駭走追北伏起悉殺之隻馬無返者又曰

崔乾祐為陣十五五或進或却而陌刀五千列陣後王師視其陣無法指觀嗤笑曰擒賊乃會食及戰乾祐旗少偃如欲遜者王師懈不為備伏忽起薄戰皆奮死



關翰軍奔潰略盡 又裴行儉傳曰行儉討突厥詐為

糧車三百乘車伏壯士又伏精兵踵其後虜果掠車羸  
兵走險賊驅就水草解鞍牧馬方取糧車中而壯士突  
出伏兵至殺獲幾盡 又李晟傳曰晟悉家貲懷輯降

附吐蕃君臣大懼相與議尚結贊者善計乃曰唐名將  
特李晟與馬燧渾瑊耳不去之必為吾患即遣使委辭  
因燧請和且求盟謀執瑊以賣燧於是結贊大興兵踰  
隴岐無所掠陽怒曰名吾來乃不牛酒犒軍徐引去以



是間晟晟選兵三千使王佖伏沂陽旁擊其中軍幾獲結贊 又哥舒曜傳曰曜討李希烈以希烈在外欲乘

虛襲許乃遣部將與劉德信趨許未至有詔切讓使班師德信等惶惑還軍無斥候至扈澗為賊設伏詭擊死者殆半器械輜重皆亡 又高霞寓傳曰元和中討吳元濟析山南東道為兩鎮以霞寓宿將拜唐鄧隨節度使追賊南衝霞寓雖悍而寡謀統制尤非所善始引兵趨蕭陂戰小勝進至文城柵賊偽北逐之為伏所掩遂



大敗才以身免 又諸葛爽傳曰朱溫為賊守同州爽  
率輕兵入之溫偃旗設伏以待爽謂賊遁士解甲就舍  
伏發爽悉棄鎧馬奔還 通鑑唐紀曰吳法超等引步  
騎四千自鄜州叛歸敕陝虢觀察使李泌發兵防遏勿  
令濟河泌遣將將選士四百人分為二隊伏於太原窘  
之隘道令之曰賊十隊過東伏則大呼擊之西伏亦大  
呼應之勿遮道勿留行常讓以半道隨而擊之又遣虞  
候集近村少年各持弓刀瓦石躡賊後聞呼亦應而追



之又遣唐英岍將千五百人夜出南門陳於澗北明日  
四鼓淮西兵起行入隘兩伏發賊衆驚亂且戰且走死  
者四之一進遇唐英岍邀而擊之賊衆大敗擒其驃軍  
兵馬使張崇獻又曰李祐者淮西騎將有勇略率士  
卒刈麥於張柴村李愬召廂虞候史用誠戒之曰爾以  
三百騎伏彼林中又使人搖幟於前若將焚其麥積者  
祐素易官軍必輕騎來逐之爾乃發騎掩之必擒之用  
誠如言往生擒祐以歸又曰黃巢遣其將尚讓王播



帥衆五萬寇鳳翔鄭畋使唐弘夫伏兵要害自以兵數  
千多張旗幟踈陳於高岡賊以畋書生輕之鼓行而前  
無復行伍伏發賊大敗於龍尾陂 又曰均州賊帥孫

喜聚衆數千人謀攻州城都將武當馮行襲伏兵江南  
自乘小舟迎喜謂曰州人得良牧無不歸心然公所從  
之卒太多州人懼於剽掠尚以為疑不若置軍江北獨  
與腹心輕騎俱進行襲請為前導告諭州人無不服者  
矣喜以為然從之既渡江軍吏迎謁伏兵發行襲手擊



喜斬之從喜者皆死江北軍望之俱潰 又曰楊行密

攻秦彥彥悉出城中兵陣於城西軍勢甚盛行密乃積  
金帛麤米於一寨使羸弱守之多伏精兵於其傍自將  
千餘人衝其陳兵始交行密陽不勝而走廣陵兵追之  
入空寨爭取金帛麤米伏兵四起廣陵衆亂行密縱兵  
擊之俘斬殆盡 又曰鄭祗德遣子將沈君縱等三將  
將新卒五百擊裘甫戰於剡西賊設伏三溪之南而陳  
於三溪之北壅溪上流使可涉即戰陽敗走官軍追之



半涉決壅水大至官軍大敗三將皆死官軍幾盡又  
曰王式討裴甫三日凡八十三戰裴甫佯言乞降公曰  
賊憊暫休耳謹備之果復三戰二十一日夜與劉睢劉  
慶十餘輩又從百餘人出遙與諸將語伺我軍之懈將  
使勇者潰圍罵諸將得公誠夜皆設伏於營前甫輩離  
城數十步伏兵疾走以間之師數百復繼之城中賊不  
出甫遽甚不知所為遂擒焉 五代史曰梁攻鄆州朱  
瑾來救梁諸將或勸太祖縱瑾入鄆耗其食堅壁勿戰



以此可俱弊太祖曰瑾來必與時溥俱不若遣兵邀之  
霍存伏兵蕭縣已而瑾果與溥俱出迷離霍存發伏擊  
之遂敗瑾等於石佛山通鑑宋紀曰淮南盜宋江以  
三十六人橫行河朔轉掠淮南京東諸郡官軍不敢嬰  
其鋒帝命張叔夜知海州叔夜使聞者覘所向江逕趨  
海濱刼巨舟十餘載鹵獲叔夜募死士得千人設伏近  
城而出輕兵距海誘之戰先匿壯卒海旁伺兵合舉火  
焚其舟賊聞之皆無鬪志伏兵擒其副賊江乃降說



選遼志曰按巴堅用其妻述律策使人告諸部大人曰  
我有鹽鐵之利諸部所食然諸部知食鹽之利而不知  
其鹽有主人可乎當來犒我諸部以為然共以牛酒會  
鹽池按巴堅伏兵其旁俟其酒酣伏兵發盡殺諸部大  
人復併為一國東北諸夷皆畏服之 遼史太祖本紀  
曰太祖討黑車子室韋唐盧龍軍節度使劉仁恭發兵  
數萬遣養子趙霸來拒霸至武州太祖諜知之伏勁兵  
桃山下遣室韋人摩哩詐稱其酋長所遣約霸至兵會



平原既至四面伏發擒霸殲其衆乘勝大破室韋 奔

州史料親征考曰庚子六月陳友諒大舉入寇至建康

太祖遣馮國勝常遇春率虎翼軍三萬伏石灰山側徐

達軍南門外楊璟佐兵大勝港張德勝朱虎率舟師出

龍江關外上總大兵盧龍山友諒與其弟五王率千艘

犯龍灣先遣萬人登岸立柵時暑熱甚忽大雨上督諸

軍競前拔柵友諒麾其軍來爭戰方合國勝遇春伏兵

起達兵德勝兵亦至內外合擊遂大破之俘其卒二萬



人殺溺死者無算獲巨艦百餘戰舸數百 又徐中山

世家曰徐達攻常州張士德以卒數萬來援達諸將計  
曰士德勇冠軍且狡未易力勝也去城十八里為三覆  
以待而別選鐵騎屬總管王均用將之乃前徼士德兵  
既交均用鐵騎橫其中堅陣亂士德走遇覆馬蹶獲之  
遂大破其軍 兵略纂聞曰常遇春拔安慶趙普勝水  
寨友諒聲言且援安慶遇春策曰必攻池州賊悞我選  
卒萬人伏九華山友諒兵果攻池州城中伐鼓大噪伏



盡發城中應之遂大破其衆俘斬萬人 又曰宣德間

御史盛昺以直諫謫令羅江隣邑德陽寇趙鐸者僭稱

趙王所至屠戮羅江故無城公盡開四門市中各閉戶

藏兵於內約砲響兵出又伏奇兵山隈陽示弱遣迎賊

賊入未半公率義勇士開戶聞砲聲兵突出各橫截殺

賊賊不相救山隈伏兵應聲夾攻殊死鬪賊大北斬獲

無算 又曰正統時陶副使成被命整飭邊務至則量

海寇來風汛時月預以釘板陰布於沿海泥淖中賊艤



舟爭跳躍登岸足盡被刺衆踣伏兵四合賊殲舟皆焚  
自是倭寇不復擾海東 又曰沙縣賊鄧茂七反都督  
劉聚討之用其降將羅汝先誘之出攻延平令浙兵伏  
後坪江西兵伏後洋南京兵伏沙溪南而以福建兵素  
為賊所易者挑之賊果出戰有頃伏起合擊大破之

又曰許忠節公達令樂陵時劇賊劉七齊彥名颺起畿  
甸焚屠城邑公令民家各治土垣度高于簷宇垣闢一  
竇如圭僅容一人家令二壯者執刃伏竇內餘編隊伍



匿曲巷中乃洞城門如虛邑寇入兵燹一無所逞旗舉  
伏發斬獲殆盡 又曰嘉靖間倭寇淮揚都督劉顯與

其家甲驅至安東伏甲岡下躬率四騎薄賊艘詬之賊  
出公叱三騎使前以身殿斬一人以徇且戰且却射馬  
中矢馬駭公下馬抉鏃賊卒馳公前公躍馬斬馳者賊  
至岡下弩發賊多中弩者乃引去 又曰莫讚知鎮寧  
州時土獠于駐殺其長累捕不獲偵者言駐且以兵徇  
取紹恩故地未服者道當繇安莊明日公馳謀候之中



途因要其入見既遣胡生關說令毋魑結帶刀劍令我  
得善為禮駐報如命公乃集隸卒得強力者十人各授  
兵伏兩廂以四吏侍皆巨石銜袖密遣人趣要守禦者  
令以兵須駐入斷後繼頃之駐來立庭中與語稍及紹  
恩事駐方抗辭虛喝公遽叱左右下擒語未畢四吏齊  
撲駐兩廂伏發捽其首就縛盡捕從者送衛獄

### 伏兵三

原思險慮無

軍旅思險注險阻出奇伏之處當思念  
之左傳前茅慮無杜預云前慮有無



若今蹋  
伏也

解鞍

銜枚

李廣望匈奴千騎乃下馬解鞍示不去匈奴必以我為大軍誘

之銜枚  
令無聲也

設伏

潛師

為三覆

伏萬弩

左傳公

君為三覆以待之注覆伏兵也

孫臏偽走龐

增伏

澗口

伏冢間

北齊書段韶傳曰韶從圍定陽其城主

攻之韶以子城未克謂蘭陵王長恭曰此城唯慮東南

一處耳賊若突圍必從此出長恭乃令壯士千餘人設

伏於東南澗口其夜果如所策賊遂出城伏兵擊之大

潰範等面縛盡獲其衆

五代史曰秦宗權至蔡復遣

張晁攻汴梁王令朱珍引兵蔽大林而自率精騎出其

東伏大冢間晁至而食食畢拔旗幟馳擊珍珍兵小却

王引伏兵橫出斷晁軍為

三而擊之晁大敗脫身走

據澗口

奪望樓

唐書王



曰歙守汪華據郡稱王且十年雄誕攻之華以勁甲出新安洞拒戰雄誕伏兵山谷以弱卒數千關輒走壁華來攻壁中奮殊死不可下會暮還雄誕伏兵已據洞口不得歸遽面縛降通鑑宋紀曰韓世忠自豫章移師

長沙劉忠有衆數萬據白面山營柵相望世忠至與賊對壘奕棋張飲堅壁不動衆莫能測一夕與蘇格聯騎穿賊營侯者訶問世忠先得賊軍號隨聲應之周覽以出喜曰此天賜也夜伏精兵二千於山下與諸將拔營而進賊方迎戰伏兵已馳入中軍奪望樓植旗益傳呼如雷賊回顧驚潰世忠麾將士夾擊大破之匿

城左 伏湟中

唐書薛萬均傳曰竇建德寇范陽羅藝迎拒之萬均自以精騎百匿城左建德

師渡水邀半渡擊之大敗其衆五代史曰張晁軍赤岡太祖使張歸霸以弓手五百人伏湟中太祖以騎數百為遊兵過晁柵晁出兵追太祖歸霸發伏殺晁兵千人奪馬數十匹

伏莽間 伏道



側唐書李密傳曰榮陽太守楊慶河南討捕大使張須  
陀合兵討崔讓讓素憚須陀欲引去密曰須陀健而  
無謀且驟勝易驕吾為公破之讓不得已陣而待密率  
驍勇常何等二十人為遊騎伏於丘莽間須陀素輕讓  
引兵搏之讓少却伏發與游軍乘之遂殺須陀又竇  
建德傳曰秦王進據虎牢翌日以騎五百覘建德營設  
伏道側獨以數騎去賊營三里賊覺出騎追之王漸却  
誘至伏所卒起奮擊賊騎驚引去追斬三百級獲其將  
殷秋石瓚原覆諸山下死此樹下而傳楚伐絞坐其北門  
覆諸山下大敗之

注坐守也

孫贖斫樹令白書龐涓死  
此樹下涓舉火照之萬弩齊發涓自刎

隱情以虞

用戒不虞

言私度己之所能  
以度彼之所能

增隱兵堤裏

伏騎溝

下

魏武帝志注呂布從東歸與陳宮將萬餘人來戰時  
兵皆出取麥在者不能千人屯營不固太祖乃令婦



人守陴悉兵拒之屯西有大堤其南樹木幽深布疑有伏乃相謂曰曹操多詐勿入伏中引軍屯南十餘里明日復來太祖隱兵堤裏出半兵堤外布益進乃令輕兵挑戰既合伏兵乃悉乘堤步騎並進遂大破之唐書李光顏傳曰裴度築赫連城於沱口率輕騎觀之賊以奇兵自五溝至大呼薄戰城為震壞度危甚李光顏力戰却之先是光顏策賊必至密遣田布伏精騎溝下扼其歸賊敗去死溝中者千餘

### 刺岳字幟

### 樹鮑老旗

通鑑宋紀曰王進走筠州飛抵東城進出城布陣飛設伏以紅羅為幟上刺岳字選

騎二百隨幟而前賊易其少薄之伏發進大敗走趙元昊寇渭州逼懷遠城韓琦令任福併兵出敵之後度勢未可戰即據險置伏要其歸路戒之再三福違節制墮敵計中桑維翰於道傍得數銀泥合封襲謹密中有動躍聲疑莫敢發福至發之乃懸哨家鵠百餘自中起盤飛軍上於是夏兵四合悍馳犯其鋒福陣未成列賊



縱鐵騎突之自辰至午陣動衆欲據勝地忽夏人陣中樹鮑老旗憚等莫測既而旗左麾左伏兵起右麾右伏兵起自山背下擊官軍大潰福與諸將皆死士卒死者萬三百人

使壯士變服料

奇兵易服

後漢書馮異傳曰異招集諸營堡數萬人與賊約期會戰使壯士變服與赤眉同伏於道

側旦日赤眉使萬人攻異前部異裁出兵以救之賊見勢弱遂悉衆攻異異乃縱兵大戰日昃賊氣衰伏兵卒起衣服相亂赤眉不復識別衆遂驚潰追擊大破於嶠底降男女八萬人唐書王峻傳曰開元二年吐蕃以精甲十萬寇臨洮次大來谷其酋坐達延以兵踵而前峻率所部二千與臨洮軍合料奇兵七百易胡服夜襲去賊五里令曰前遇寇士大呼鼓角應之賊驚疑伏在旁自相鬪死者萬計

伏甲士三百

選善射三千

唐書杜悛傳咸通中為泗州刺史會龐勛反圍城賊將李圓易悛馳勇士百人



欲入封府庫惱為好言厚禮迎勞賊不虞惱之謀也明日伏甲士三百宴毬場賊皆殲焉又郭子儀傳曰子儀儀自杏園濟河圍衛州慶緒分其衆為三軍將戰子儀選善射三千士伏壁內誡曰須吾却賊必乘壘若等譟而射既戰偽遁賊薄營伏發注射如雨賊震駭王師整而奮斬首四萬級獲鎧冑數十萬執安慶和收衛州

## 百人伏山下

## 百人伏廟中

通鑑宋紀曰真定宣撫劉韜募敢戰士相州湯

陰人岳飛應募相有劇賊陶俊賈進和飛請百騎往先遣卒偽為商人入賊境賊掠以充部伍飛遣百人伏山下自領數十騎逼賊壘賊出戰飛佯北賊追之伏兵起先所遣卒擒俊及進和以歸又曰韓世忠以八千人屯焦山寺烏珠欲濟江乃遣使迎問且約戰期世忠計之因謂諸將曰是間形勢無如金山龍王廟者敵必登之以覘我虛實乃遣蘇德將百人伏廟中百人伏廟下岸側戒之曰聞江中鼓聲則岸兵先入廟兵繼出以合



擊之及敵至果有五騎趨廟廟兵先鼓而出獲兩騎其三騎則振策以馳馳者一人紅袍玉帶既墜復跳而免詰諸獲者則烏珠也 帥士卒為兩翼 分千騎為八伏

通鑑唐紀曰高

仁厚列十二寨圍鄭君雄夜二鼓君雄等出勁兵掩擊城北副使寨楊茂言不能禦帥衆棄寨走其傍數寨見副使走亦走東川人併兵南攻中軍仁厚聞之大開寨門設炬火照之自帥士卒為兩翼伏道左右賊至見門開不敢入還去仁厚發伏擊之東川兵大奔追至城下賊之濠中斬獲甚衆而還 弇州史料開平王世家曰常遇春謀元主在開平乃選步卒八萬騎一萬追之進次大興州遇春使分千騎為八伏邀其歸大興之守兵走覆發大敗之遂薄開平元主已前走追北數百里

## 伏兵四



增蔽山伏

唐書王世充傳曰世充跨洛水為三橋以度兵李密軍偃師北山新破敵有輕世充心不

設壁壘世充夜遣二百騎蔽山伏因秣馬蓐食遲明薄之密陣未成伏兵上北原乘高馳下壓其營縱火焚廬落密衆

得其度伏

又段秀實傳曰秀實從封常清討大勃律次賀薩勞城與戰勝之常

清逐北秀實曰賊出羸師餌我也請大索悉得其度伏

為狹營小舍

唐書田頌傳曰臺濛

之行為狹營小舍覘者以為才容二千人頌輕之不復召兵與戰黃池矢石始交而濛遁兵爭逐北遇伏大敗

伏萬人柳林中

通鑑唐紀曰吐蕃論恐熱屯大夏川尚婢婢遣其將龐結心及莽羅薛呂

將精兵五萬擊之至河州南莽羅薛呂伏兵四萬於險阻龐結心伏萬人於柳林中以千騎登山飛矢繫書罵之恐熱怒將兵數萬追之龐結心陽敗走時為馬乏不進之狀恐熱追之益急不覺行數十里伏兵發斷其歸



路夾擊之時大風飛沙溪谷皆溢恐勢大敗伏尸五十里溺死者不可勝數恐勢單車遁歸

衣白

伏黃山

兵略纂聞曰正德時妖賊李通竇竊發總督林廷選令梧州守曹瑁督軍與賊遇戰於新橋斬

十餘級賊入於莽追斬之又十餘級遂歸於秋風根蓋其巢也謀知其必遁入黃山又知賊皆衣青即抽兵使衣白伏入黃山以待夜半賊果至伏發追斬五十餘級

### 祭師一

增潛確類書曰凡軍行祓社禱社也 大明集禮曰唐

制親征以熊席設軒轅黃帝神座置甲冑弓矢於座側建朔於座後皇帝服武弁行禮 遼史兵志曰凡舉兵



帝率蕃漢文武臣僚以青牛白馬祭告天地日神惟不  
拜月分命近臣告太祖以下諸陵及木葉山神 大明  
集禮曰明制凡親征祭告天地宗廟社稷禡祭旗纛所  
過山川皆行祭告

祭師二

增唐書王方翼傳曰方翼次葛水暴漲師不可渡沈祭  
以禱師涉而濟 大明集禮曰宋太平興國五年太宗  
親征河東就北郊用少牢祭蚩尤禡牙



祭師三

原祠黃帝

祭蚩尤

漢高為沛公祠黃帝祭蚩尤於沛庭而釁鼓

宜乎社

造乎禰

周禮太師設軍社類乎上帝太祝宜乎社造乎禰注師將行也

增事四望

祠五兵

周禮春官小宗伯若軍將有事則與祭有司將事於四望公羊師出曰祠兵入曰振旅

祠者祠五兵矛戟劍盾弓鼓及祠蚩尤之造兵者

原類乎上帝

禡於征地

記曰天子將出類乎上帝帝五德之帝類祭名受命於祖禡於所征之地告祖也按類禡皆師祭也詩曰桓

桓講武是類是禡

受成於學

釋奠於學

定兵謀也

有罪反釋奠於學

以訊餞告



祭師四

增禡纛黃堂

唐書康承訓傳曰崔彥曾乃禡纛黃堂前選兵三千授都虞候元密屯任山須龐勛

至劫取之

祭師五

增詩唐韓愈晚秋郾城夜會聯句曰斬馬祭旄纛  
禮芒屨

發軍一

增唐書百官志兵部曰凡發兵降勅書於尚書尚書下



文符放十人發十馬軍器出十時不待勅衛士番直發  
一人以上必覆奏 遼志曰契丹行軍不擇日用艾和  
馬糞於白羊琵琶骨上灸灸破便出行不破即不出

遼史外紀曰西夏國凡出兵先卜有四一灸勅焦以艾  
灼羊脾骨二擗算擗竹於地以求數若揲著然三咒羊  
其夜牽羊焚香禱之又焚穀火於野次晨屠羊腸胃通  
則吉羊心有血則敗四矢擊弦聽其聲知勝負及敵至  
之期 金史章宗本紀曰承安元年二月初造虎符發



兵

發軍二

增漢書嚴助傳曰建元三年閩越舉兵圍東甌東甌告  
急於漢上曰吾新即位不欲出虎符發兵郡國迺遣助  
以節發兵會稽 通鑑唐紀曰李克用聞三鎮兵犯闕  
即日遣使十三輩發北部兵期以來月渡河入關 通  
鑑宋紀曰仁宗慶歷二年冬十月戊午發定州禁軍二  
萬二千屯涇原 兵略纂聞曰嘉靖間沈希儀為右江



參將每出勦即肘腋親近不得聞至期鳴號則諸軍立  
集聽令曰出某門旗頭即引諸軍貿貿行問旗頭旗頭  
不知頃之劄營賊衆至戰方合而伏又左右起賊大敗  
去已而賊寇他所官軍又已先在雖絕遠村聚賊度官  
軍所不至者寇之軍又未嘗不在賊驚以為神即官軍  
亦不知公何自得之也

發軍三

原牙璋

羽檄

牙璋中璋以起軍旅以治兵守詳軍旅  
高祖曰吾以羽檄徵天下兵未有至



者檄木長三尺用徵召  
急則以鳥羽示急也

增銅魚

銀兔

通鑑注曰符寶郎掌天子

八寶及國之符節辨其所用有事則請之於內既事則奉而藏之藏其左而班其右以合中外之契一曰銅魚

符所以起軍旅易守長朝野僉載曰漢發兵用銅虎

符及唐初為銀兔符以免子為符瑞故也又以鯉魚為

符瑞為銅魚符以佩之至偽周武

銅虎

金魚

上見銀兔

注遼史兵志曰遼鑄金魚符調發軍馬

原聽師田

出虎符

周禮八成二曰聽師

田以簡稽計合士卒簡閱兵器為要簿也漢武曰吾新即位不欲出虎符恐驚吾郡國迺遣嚴助以節發會

稽兵會稽守欲拒法不發注言欲以法拒之為無符驗助乃斬一司馬諭以意旨遂發兵也

請監

軍

發針工

後漢馮緄為鴻臚卿討武陵蠻性烈直不行賄賂懼為所中乃上疏請中常侍一人



監財費朱穆奏緄以財自嫌失大臣節有詔勿劾史尉佗攻百越上書求女無夫家者三萬人為卒補衣秦皇帝可其萬五千人故百姓離心欲亂者十七八也

增得天時

遇午日

唐書王式

傳曰寧國劇賊仇甫亂明越觀察使鄭祗德不能討宰相選式往代於是詔益許滑淮南兵式發自光福里第麾幟皆東靡獵獵有聲喜曰是謂得天時

發精甲

崔貧人

唐書裴均傳曰劉闢叛均發精甲三千逆擊之賊望風奔

八編類纂曰黃巢陷東都張承範

等將神策弩手發京師神策軍士皆長安富家子賂宦官竄名軍籍厚得稟賜但華衣怒馬憑勢使氣未嘗戰陣聞當出征父子聚泣多以金帛

原司馬請瑞司

徒教士

傳曰司馬請瑞焉瑞符節以發兵王制有發則命大司徒教士以車甲注發卒兵也



黃霸發士

吳漢行師

漢書黃霸為京兆尹發騎士詣北軍馬不適士効乏軍興連貶

秩注馬少士多不相補滿也適音的

後漢吳漢每當出師朝受詔夕引道

頭鬢皆白

老弱悉赴

後漢光武曰每發一兵頭鬢皆白漢王在滎陽蕭何發關中老弱未傅者悉赴軍注云

古者二十而傅傳音附

具其卒乘

繕以甲兵

校尉稽乏軍

興京兆馬不適士

晉石鑒奏杜元凱為校尉擅飾城門官舍稽乏軍興檻車徵以候贖

黃霸

詳前

發軍四

增杓窠

遼史國語解曰雙寬鷲鳥總稱遼以為印紐取疾速之義凡調發軍馬則用之與金魚符銀牌



略同

發軍五

增詩魏王仲宣詩曰我君順時發桓桓東南征 唐儲  
光羲次天元十載華陰發兵詩曰鬼方生獫狁時寇盧  
龍營帝念霍嫖姚詔發咸林兵天星下文閣簡師臨我  
城三陌觀勇夫五餌謀長纓雷野大車發震雲靈鼓鳴  
李白發白馬詩曰將軍發白馬旌節度黃河簫鼓聒  
川岳滄溟湧濤波武安有震瓦易水無寒歌鐵騎苦雪



山飲流涸滹沱揚兵獵月窟轉戰略朝那倚劒登燕然  
邊烽列嵯峨蕭條萬里外耕作五原多一掃清大漠包  
虎戢金戈

增奏唐陳子昂奏八科曰今事之最大者患兵甲歲興  
賦役不省興師十萬則百萬之家不得安業

增狀唐陸贄上陳防秋之弊有曰今財匱於中人勞未  
瘳而欲發師徒以犯獵寇境復其侵疆攻其堅城前有  
勝負未必之虞後有餽運不繼之患萬一撓敗適以啟



戎心挫國威也

增露布唐于公異破朱泚露布曰五月二十八日寅時  
華州鎮國軍節度使駱元光等承命於牙旗之下分麾  
於轅門之外免胄啟行夾川陸而左旋右抽抵丘陵而  
浸淫布濩聲塞宇宙氣雄鉦鼓陳兵於光泰門外盡銳  
于神麇倉東繚垣摧以成塵滋水涸而為地左廣未離  
於舊壘前偏已交於賊鋒若降於天如出於地

先鋒一



增漢書李廣傳曰大將軍青令廣軍出東道廣辭曰臣結髮而與匈奴戰乃今一得當單于願居前死單于

後漢書祭彤傳曰彤拜遼東太守至則厲兵馬廣斥侯彤有勇力能貫三百斤弓賊每犯塞常為士卒鋒數破走之宋書劉懷慎傳曰懷慎為彭城内史從征鮮卑每戰必身先士卒及尅廣固懷慎率所領先登從高祖拒盧循於石頭屢戰尅捷南史孟龍符傳曰龍符驍勇有膽氣高祖伐廣固以龍符統步騎為前鋒賊數十



圍攻之以衆寡不敵遂見害追贈青州刺史 後周齊

煬王憲傳曰高祖東伐齊憲率所部先向晉州明日諸  
軍總集稍逼城下齊人亦大出兵陣於營南高祖召憲  
馳往觀之憲返命曰易與耳請破而後食內史柳蚪私  
謂憲曰賊亦不少王安得輕之憲曰憲受委前鋒情兼  
家國掃此逋寇事等摧枯商周之事公所知也賊雖衆  
其如我何既而諸軍俱進應時大潰其夜齊王遁走  
唐書曰太宗擊王世充選千餘騎為奇兵皆皂衣元甲



分為左右隊建大旗令騎將秦叔寶程咬金尉遲敬德  
翟長孫等分統之每臨敵太宗躬被元甲先鋒率之候  
機而進所向摧殄常以少擊衆賊徒氣懾 又曰太宗  
征高麗詔江夏王道宗與李勣為前鋒濟遼拔蓋牟城  
會賊救至道宗與張君乂領騎裁四千欲浚溝保險須  
帝至道宗曰賊遽來其兵必疲我一鼓摧之固矣昔耿  
弇不以賊遺君父吾為前軍當清道迎乘輿尚何待勣  
善之選壯騎數十突進賊營左右出入勣合擊大破之



通鑑唐紀曰李存孝驍勇克用軍中皆莫及常將騎  
兵為先鋒所向無敵身被重鎧腰弓髀槊獨舞鐵槌陷  
陳萬人辟易 兵略纂聞曰常遇春棄劉聚歸明太祖  
居兩月未有所見自請為先鋒

先鋒二

增身先士卒

身當矢石

宋書張暢傳曰魏攻彭城南門并放火暢躬自前戰身先

士卒

通鑑注引補國史曰高潯將先鋒軍每遇陳敵身當矢石

以乘驢賜

以名

馬賜

周書李弼傳曰弼歸太祖拜秦州刺史從太祖平寶泰先鋒陷敵斬獲居多太祖以乘驢馬及泰所



着年甲賜之 五代史曰梁兵攻李茂貞於岐以康懷英為先鋒至武功擊殺岐兵萬餘人太祖喜曰邑名武

功真武功也

黃驄年少

白衣先鋒

海錄碎事曰裴果從軍征討乘

驄馬衣青袍每先登陷陣時人號為黃驄年少 唐書薛仁貴傳曰仁貴恃驍勇欲立奇功乃着白衣自標顯

所向披靡帝望見遣使馳問先鋒白衣者誰曰薛仁貴帝召見嗟異

先鋒陷陣

先鋒

麋陣

唐書馬三寶傳曰三寶與柴紹擊吐谷渾於岷州先鋒陷陣斬名王俘執數千 又秦瓊傳曰秦叔

寶先鋒麋陣前無堅對

相戒避先鋒

自請為先鋒

五代史曰史建唐為

晉兵先鋒梁兵數為建唐所殺相戒常避史先鋒 通鑑宋紀曰李成將馬進犯洪州張俊斂兵若無人者居

月餘進以大書牒索戰俊以細書狀報之進以俊為怯岳飛曰賊貪而不慮後若以騎兵自上流絕生米渡出



其不意破之必矣因請自為先鋒俊大喜乃令楊沂中絕生米渡飛重鎧躍馬潛出賊右突其陣所部從之進大敗

### 先鋒三

增被羽先登

後漢賈復傳曰光武至信都以復為偏將軍及拔邯鄲遷都護將軍從擊青犢於射

犬大戰至日中賊陣堅不却光武傳名復曰吏士皆饑且可朝食復曰先破之然後食耳於是被羽先登所向

皆靡賊乃敗走諸將咸伏其勇注被猶負也析羽為旌旗將軍所執

北府兵

晉書劉牢之傳曰太

元初謝元北鎮廣陵時苻堅方盛元多募勁勇牢之與東海何謙等以驍猛應選元以牢之為參軍領精銳為

前鋒百戰百勝號為北府兵敵人畏之

解而復合者數四

五代史周兵圍漢太原契



丹救漢出忻代世宗遣符彥卿拒之以史彥超為先鋒戰忻口彥超勇憤俱發左右馳擊解而復合者數四

### 奏功第一

通鑑宋紀曰蒙古兵入大昌原金平章政事完顏台達以忠孝軍提控完顏陳和尚

為前鋒裨華善掇甲上馬以四百騎大敗蒙古八千之眾士氣皆倍益自有蒙古之難二十年間始有此捷奏功第一

震國中

### 年十七為先鋒

又李繼隆發兵討李繼遷獨范庭召與王超至烏白

池與賊遇時賊銳甚超持重不進其子德用年十七為先鋒請乘之轉戰三日賊遂却

### 先鋒四

增表宋孟龍符表曰龍符投袂義切前驅効命摧鋒三捷每為眾先及西勦桓歆北殄索虜朝議爵賞未及施



行會臣北伐復統前旅臨照之戰氣貫三軍于時逆徒  
實繁控弦掩澤龍符匹馬電躍所向摧靡奮戈三入知  
死不卻

鄉導一

增孫子軍爭篇曰不用鄉導者不能得地利 太平御  
覽引衛公兵法曰凡是賊徒好相掩襲須擇勇敢之夫  
選明察之士兼使鄉導潛歷山原密其聲晦其迹或刻  
為獸疏而履於中途或上刻微禽而幽伏於叢薄然後



傾耳以遙聽竦目以深視專智以度事機注心而候氣  
色見水痕則可以測敵濟之早晚觀樹動則可以辨來  
寇之馳驅也

### 鄉導二

增宋史太宗本紀曰四年庚申帝復自將伐契丹丙寅  
次金臺頓募民為鄉導者百人通鑑宋紀曰金以幹  
魯為都統幹喇布副之使襲遼主於陰山至居庸關獲  
林牙耶律達實幹魯使幹喇布尼楚赫洛索等以兵三



千分道襲遼主將至青冢遇泥濘不能進幹喇布以繩繫達實使為鄉導直趨遼主營

鄉導三

增縣民為導

漁人為導

通鑑唐紀曰劉士殷遣副使陳可璠屯全義嶺備馬殷可

璠掠縣民耕牛以犒軍縣民怨之請為湖南鄉導通鑑宋紀曰呼必賚得沿江制置司榜有云今夏謀者聞北兵會議取黃陂民船繫棧由陽邏堡以渡會於鄂州忽必烈曰此事前所未有願如其言及至黃陂漁人獻舟且為

鄉導

用呂文煥

得郭藥師

又宋紀曰元人南侵用呂文煥與劉整為

鄉導

八編類纂曰蔡靖遣郭藥師帥師與金人戰於白河兵敗而還藥師遂帥所部兵劫靖及轉運使呂頤




浩以降幹喇布既得藥師益知宋  
虛實因以為鄉導懸軍深入矣

### 鄉導四

增姜綰不用鄉導

兵略纂聞曰明姜綰用兵不用鄉導而豫圖山川村落道路所繇故兵行

而人莫  
能測





御定淵鑑類函卷二百十七